

更生齋詩卷第七

西圃疏泉集

競渡燈船行

燈船尚隔三條橋，寶氣已復衝層霄。
三橋百巷密如櫛，波上厯厯人聲囂。
須臾赤焰將橋鎖，分半樓臺燭光裹。
林鴉林鵲驚四飛，鴉背鵲頭都帶火。
忽然龍爪攫半空，千人萬人看燭籠。
橋回風勢亦稍緩，龍忽正面停波中。
橋南百尺波如沸，龍甲龍鱗照天地。
妖狐竄水魚登岸，光景欲從何處避。
綠楊枝頭閣幾層，無數紅袖圍紅燈。
船燈直與閣燈接，咳吐落處雲霞蒸。
百舟迎龍百舟送

更生齋詩卷第七

別有百舟排不動，三更以後抵北關。
一派火光飛入衙，鉦聲已遠簫聲起。
裊裊長聲驚人雲，裏蜻蜒舟小琉璃暗。
有客添衣出蓬底，雲溪我住三十年。
客夢只落雲溪邊，回船復向溪上過。
衫影笠影人疑仙，曙光瞳瞳斷更鼓。
千萬燭光收入浦，君不見何如天上兩燈忙。
圓月乍傾圓日吐

跋錢三維喬自製壙銘及三幻圖說後

雖非祖道壺河干

易水一名壺河

紙上蕭蕭風色寒，君是生魂

我生輓銀牋，聊當白衣冠

太虛偶爾綴微塵，詎有前身與後身。
多少樓臺雜松竹，君皆疑幻我疑真。



宗忠簡祠

六百年來氣不磨
江干遺廟鬱嵯峨
迎門九派東歸海
卧榻三呼北渡河
夢裏銅駝餘涕淚
望中鐵騎敢經過
劉琨祖逖應同傳
未了忠心尚枕戈

陳少陽祠

少陽祠外駐征輪
國士應知俎豆尊
已覺舉朝忘二帝
不妨在野蹈三仁
捐軀子諒彈仙客
並世朱雲值佞臣
一樣書生心跡異
酋前叩馬又何人

城渡橋訪明唐襄文讀書處

荆川臺址尚峻嶒
十宅當時愧未曾

余戊午乞假回將
卜居于此後不果

君慕古人三不朽
我廿世事百無能
牛腰卷軸傳難必

馬革功名謗已騰
何似掩關長却掃
白頭仍擁讀書燈
讀晉書偶成

刺得荆揚半壁天
偏安王氣尚綿延
生憎謝客稱山賊
死笑孫恩作水仙
南渡化龍纔幾日
北來飲馬是何年
茫茫萬里中原土
只惜無人肯著鞭

七夕京口凌江閣待友人不至率成四絕卽寄張文學
峯郭孝廉塋暨及門于生淵

兩株高樹倚檐前
却擁秋衾自在眠
絡緯乍停蟬又響
曉霞紅入寺門鮮

煉丹臺畔值佳辰也買甘瓜向曉陳
不敢更談天上事
久安心作謫仙人

北因潮頭未肯降，忽驚人影出蓬窗。
誰言一葉舟偏小，滿帶秋聲過北江。

年來百事總闌珊，門外江流亦漲灘。
一枕水窗眠未醒，算來還比白鷗閒。

是日過聽秋軒飯，并觀瓜果筵作。

華堂乞巧筵，商賂祀牛女。
天邊瓠包星，筵上戲摘取。
華堂乞巧筵，商賂坐宵永。
籬角牽牛花，迨迨妒星影。
陰晴客不知，榮悴草無語。
門前洗手花，門外洗車雨。
天孫踏鵲橋，中隔雲一片。
靈鵲不擡頭，何由見仙面。
千聲與萬聲，蜚響一何切。
天邊方停梭，地上已促織。
天上星神過，人間兒女忙。
欲知霄漢事，除問杜蘭香。

攜于生洲夜半剪江至焦山

更生齋詩卷第七

三

百尺驚濤內，呼舟半晚過。
夜帆明蟬竦，秋浪狎龜鼉。
菴雨南徐少，回風北固多。
到山山已黑，撼樹且高歌。

焦山

山頭高士壟，山下大江潮。
一柱中流兀，千年古像凋。
湖氣猶凌北，固名欲並南。
譙山本名譙山且把心香爇，魚龍未敢

驕

張秀才學仁寄槎圖

家山同百里，各復感飄蓬。
我在昆侖上看君，滄海東枕戈。
馳遠夢，振神揖，長空咫尺天。
河近無須更使風。

吾鄉錢生履坦在南昌，日作梅花卷，子寄萬刺史廷蘭。

到日正值刺史八十四壽辰因繪爲長卷刺史并作
詩紀事邀同人共賦

此梅公手植梅壽亦輸公却喜南枝早香浮北屋中老
來長句健客到一尊同他日花開處先酬百歲翁

翠屏洲

秋聲塞港口風急船不過江蘆明百頃一曳截江卧游
鱗逐驚蛇居然上舟枕

嘉魚港

大水抱細水水盡波忽動中有百頃潭嘉魚歲堪種食
之可平心兼乏江海夢

種竹軒

百竹綠半村十竹綠一巷人從巷口立時與竹竿撞海

上蟬竦來餘光半軒絳

巨公厓

重來巨公厓石石悉迎客惟餘一石傲壓客險及額石
上雲亦奇孤飛上天直

初九日鄒水部文煥載酒相訪因約同人松寥閣小集

分韻得聲字

難得新涼載酒行酒兵門罷門心兵江光入夢仍如練

秋色博空若有聲悟後雨從衣上落醉餘天向笠邊橫

京華舊事勞重說卧看潮頭滅復生

初十夜山半步月至三鼓始回

出門看山光月色忽無盡
簾前秋景好花氣亦徐引江
光山光新月光點入秋色逾
蒼涼花香堂前一杯酒杯
底清光無不有三更以後月
愈明興發我欲凌波行秋
花倘點頭秋竹若搖手秋鐘
冷冷恍開口一風吹人入
竹樓竹樓旁邊茶百甌茶香
雖清客沉醉七尺竹牀三
客睡花香亦若憐酒人忽灑
花影來周身夜光齊寂夜
鐘歇却夢酒魂飛入月

十一夜東昇閣看盂蘭盆放燈作

一燈先出法界樓
大魚迎燈爭逆流
燈來大魚忽然竄
一鬼一燈擎不亂
三燈五燈波面停
鬼欲待侶方同行
有時一燈衆鬼擎
惹得燈影皆深青
燈光時分復時集

庚子齋詩卷第七

五

鬼臂壓魚魚直立
燈光叢處鬼亦夥
魚驚避鬼欲出波
大聲軒然波上起
盡捲燈光入雲裏
鬼車鬼馬已四飛
燈去鬼伯愁無依
洲東洲西萬聲沸
鬼氣居然避人氣
樓頭仙客正酣唼
激得波響如鳴琴
君不見神燈紅鬼
燈綠入海無心競
進速東流燈影西
上潮鬼勢瑟縮魚

龍驕

萬刺史廷蘭邀集令子承紀丹徒官
解小飲卽席賦贈

萬爲壬申庶常前輩

方壺員島振公名八十年來始合并
佳士盡看稱弟子

靈光真欲比先生南遊畫鷁仍須迓

時約遊吳門東下日便道過訪

飛蝗偶有聲

適有飛蝗過境幸不爲害

今日宰官誠不易好傳良法

拯疲氓

刺史居官舊有聲

江口待慧超僧不至却寄一首

松寥高閣不同登一榻慵眠醒未曾

僧性寤嬾

我憶放生池

上路秋花病雀與孤僧

月波臺夜坐

月色轉綠天光青松梢盡處明一星星光忽隨白露零

倒射北斗光冷冷星光墮後山光暝竹屋居然覆漁艇

三更向盡吹曉笳海上已復生紅霞

林下二髻圖爲萬刺史昆神賦

北江一漁舟日昨泊北園欣逢西江叟相與話情悽叟

顏如春髻若戟髻上冷冷流古色比肩令弟何不來與

食生齋詩卷第一

六

共官齋語晨夕見公與公語別公展公圖我題詩贈公

公見應軒渠君不見林泉不復營生計只有公家好兄

弟一執奇書一如意石泉淙淙瀉瀉奇氣石上松花積何

賦山果投林有真味阿兄詩成屬余季老友寥寥亦堪

寄石門前頭百級砌老木千章萬章蔽門外紅塵卽如

沸一山遊完一山替五老八公時把臂我昔亦是神仙

吏謫下九天居九地他時華髮倘下垂曳杖從公共遊

戲

六月二十日偕同人載酒至城東陸氏中隱園看荷花

至二鼓始歸率賦

今年水滿荷花低前後一月稽花期花期忽展六月杪

花朵如盤色逾好陸家荷榦捎城牆隔城薰風沸滿塘
橫舟亭畔一雙燕聞信遠復來尋芳雛鶯縱老尙引吭
蝶翅不待秋間黃花前十客羅百觴過午一一來追涼
花枝迎客若問訊一客一花須坐近坐久未窮花底蘊
花下蛩聲亦殊韵殘蟾出水光何隄花竟嫣然開笑口
看花親切花轉羞花已低頭客濡首花稍蓮實花下藕
花底誰人小垂手引得荷盤貯杯酒月影星光滿盤走
看花旣足酒亦完花外尙有千琅玕深綠影護紅團藥
不須更與花朵語花外鶻聲催客遽一半酒人穿竹去
陸孝廉繼輅洞庭緣樂府

下第才人暗自傷忽驚奇福出尋常龍堂入夜波如海
別展鮫宮作壻鄉

玉茗花殘閣亦傾是誰拈筆與爭名到頭一例神仙夢
樂府新傳兩柳生

陸公子鎔邀至城北看荷花而客坐正與花相背率賦
一首 時將遊焦山

屋向南頭水北頭背花開讌我殊羞預愁簾蒜遮香氣
聊折荷筒抵酒籌有客苦談當世事是誰能代古人憂
深杯到手休辭醉明日征帆向潤州

清泉濯足長卷

門前水屋後山山深深水潺潺紅塵三十年足垢久常
浴尋常一曲流又恐汚吾足奇峯千疊谿九回溪流曲

處點碧苔客欲濯足時歸來足垢旣濯登峯若飛盧敖
仙人世外可期飛空游行有時倦展我北堂三萬卷吉
金樂石東西列嗜硯居然又成癖周秦煖器唐漢碑硯
材端溪復歛溪何日約客來搜竒我攜蜻蛉舟爾居鴻
雁浦挂帆一日卽請君與關一軒談邃古

年來里中賽神之會事事競勝較十年前費已百倍矣
感而賦此時七月望日俗所傳中元節也

令節尋常事奢風幾歲開綺羅裁幟髮金玉裹輿儻神
豈餘威及人爭罄產來徒充里胥橐一日醉三回

鳴鳩圖

占得危巢復幾時滿天風雨劇相思一枝費盡林鳩意

只有山禽總不知

江流斷處有停水數十步荷花盛開偶賦

黃雲昏處盡黃蘆留住荷花世界無渚上鷺絲爲料理

約風三日水平鋪

新構卷施閣成登眺偶賦

萬瓦縱橫內居然時一樓愛從雲盡處看到郭東頭世
味都應熟吾生合少休掃梁迎舊燕相與話初秋

題范秀才來鳳鐵琴詩草

以鐵作簫以鐵作笛何如鐵琴聲出金石琴或以石琴
或以銅何如鐵琴逸響逼空君家鐵琴詩堅古亦如鐵
前古與後古試問欲誰敵一編能窺天地心白電掣屋

霜飛林我攜君詩及鐵琴海上落落求知音

月夜登北固更望金焦二山回途與友人愁演武廳小

飲作

更從石脊眺昏黃無盡江流入渺茫百歲過人疑短夢

兩山與月鬥圓光鷗鷺影逐浮漚汝蟋蟀聲隨墜露涼

北府健兒京口酒算來今日摠尋常

哭同年楊大令倫

一生心術及詩篇都復研摩到昔賢稷契許身聊復爾

君生平作詩服膺杜氏所著有杜詩鏡詮二十卷義皇入夢致悠然填胷卷軸

逾三萬歸骨程途渺七千未敢與君中外叙予與君皆

母則余外家姊也忘形且自託齊年

更生齋詩卷第七

九

登別峯菴望海忽值風雨

朝曦色染滄溟綠東望海門如半粟滄溟突處天蕩搖

頃刻已見西來潮象山南頭蒜山尾一舸倒流還數里

風威不敵潮勢狂吹角北岸停帆檣君不見日居萬瓦

鱗鱗內眼暗頭低殊不耐此時懷抱覺暫開足底隱隱

聞驚雷天公似把炎蒸洗東海叱龍龍盡起一眴江都

電影來翠屏洲上紅三里

山中避暑聞同年曾都轉煥將報罷入都却寄一首

野客空山避暑遲正聞輅傳入都時西京鹽鐵何妨論

南園鶯花盡入詩應有功名參計相窺憐風味似經師

愛才一例尤難及報到平安杜牧之

地燈行

五月朔燈高懸不照地乃照天七月晦燈下墜不照天

乃照地燈高懸禮北壇土人云天燈為天地水府而設其實元張士誠有德于蘇常蘇

常之民于其死日懸燈一月以報之託言天地水三官神也天地水府稱三官燈下

墜出東郭幽明教主轄萬族俗傳地祇為幽明教主天燈不接天

僅與星斗聯地燈不貼地都復單堦砌地燈數比天燈

多五里直接官塘河雜以梵唄兼笙歌千舫百舫燈前

過君不見天燈完地燈接更有水燈波上貼三燈看盡

無燈看秋半皓月升團圓

偶檢故書得三友人遺札各賦一首

通政司副使錢澧

更生齋詩卷第七

早年重望出遐陬六詔人文第一流作史舊曾居柱下

建言頻見伏螭頭鷹從鳩化心仍恕蓬自麻生節亦道

君與余同年葉舍人雯疏善嘗共寓居每以名節相勗指甲辰年糾映我是庾公樓上客彈童傳

到亦生愁指甲辰年糾映

太子太保提督花連布提督死事尤烈其所擬進也

與余同官貴州交契尤密生平本以志墓文見委故所撰碑文叙其死事頗詳盡云

尺書肯為故人題已值倉皇盡命期生戴頭來知秀質

死餘膽在說姜維蠻荒屢其中宵讌絕微曾褰大將旗

君先在金川著功八百里驩休更御送公天上去騎箕君有善馬嗜之

麻成

鳳山縣知縣贈雲騎尉湯大奎

廿年里巷憶同居廟食今看義烈俱

君少時與余同居中河橋委巷中巷

口卽隋陳司徒果仁祠祠額名英風義烈未到斷頭先墮指寃憐歸骨尙銜

鬚書埋魚腹濤空沸餉轉羊腸道苦紆

君年前曾解餉甘涼畢竟

酒人能報國

君尤善飲霸陵醉尉亦捐軀時里中王麗可亦以佐雜殉節陝西

近築西圃將次落成偶賦八截句

堆甯竒氣漸銷磨山不嶙峋水不波只有露臺高百尺

偶然平視到羲娥

薤草澆花久乏人攤書聊剩此閒身不妨我少元章癖

滿架傾畝滿座塵

荷戈歸後鬢初絲未碍齋頭睡起遲忽夢天山萬年雪

一燈如豆酒醒時

金生齋詩卷第七

十一

轉憶童時奉母居三遷遺訓尙欬歎半間板屋孤兒占

聊抵親存侍板輿

心事初冬鬢晚秋祇餘春夏氣仍留旁人莫笑閒居早

五岳遊完住此樓

人說池亭入畫圖臨流時悼影孤防他春到鳩鳴急

巢好先無婦可呼

作達時時憶樂天尙嫌七十始歸田一丘一壑吾應足

不更描摩池上篇

屈指平生志業虛勞勞蹤迹五旬餘東西豎亥行將徧

纔得蝸牛一角居

蔣通判騏昌官興平縣日子土中得漢張騫印一方興

平古槐里也壬戌歲出以相示并屬作一篇以紀

西京世數傳至九文爲仁君武英后張騫鑿空縱萬里
金印何嘗大如斗姓名惟刺玉一拳誰果好事爲流傳
玉方一寸白如雪或者采自黃河源當時開邊承意指
堂邑氏奴同出使隨軍卽以勲得侯終是人間妄男子
功名雖竒意則妄地上行完歷天上惟應地下名不傳

想欲攜之伴深葬騫經絕域我亦經祇少一棹天邊行

伊江傳有故侯碣

伊犁傳有張騫石碣
按訪究未能得也

搜訪百日終沉

冥四周雖完一角折世上誰能盡完壁漢家末葉益可
傷傳國璽猶輕一擲君不見廢工千載剩荒工故物摩
挲說故侯國士一坏何處覓轉因槐里憶朱游

朱雲槐
里人墓

已無考

更生齋詩卷第七

十一

同里戈裕良世居東郭以種樹累石爲業近爲余營西
圃泉石饒有竒趣暇日出素笥索書回題三絕句贈
之

竒石胷中百萬堆時時出手見心裁錯疑未判鴻濛日
五嶽經君位置來

知道衰遲欲掩關爲營泉石養清閑一峯出水離竒甚
此是仙人劫外山

三百年來兩軼羣山靈都復畏施斤張爾垣與戈東郭
移盡天空片片雲

中秋夜坐

天上風初緊人間暑盡收獨搖明月影頻訪市橋秋暗
響蠹藏砌華燈燕出樓年年當此夜坐待曙光流

八月二十日抵寧國同年魯太守銓邀遊北樓并留飲

桂花樹下賦贈二首

自有茲樓復幾年爭傳句好問青天人言李白曾低首

我是洪厓許拍肩不覺玉盤遲出海何訪金粟早開筵

羣仙高會今三度余與太守同年同門然把晤甚少惟
亡未歲太守調選入都會飲二次及

此而
三耳一榻仍容醉後眠

汝穎東西頌宰官一麾出守又江干魚頭參政家聲古

鶴背仙人鬢影寒秋老菜羹先釀酒衙荒苜蓿罷堆盤

凌教援歛招
飲以此而止升沉中外誰能記仍作龍華會上看

更生齋詩卷第七

七

半月臺久坐

正值下弦候來登半月臺夢中雙屐遠足底萬扉開闕

世餘喬木流光瀆古苔他時闌楯葺太守欲修北
樓及此臺應許

醉千回

席上喜晤施上舍晉賦贈

十年不遇施居士金粟花開偶來此白須居士金粟花

我鬢亦與霜爭華主人開筵當日夕夕日暉暉照杯赤

我傾一斗君百杯秋老頓覺春風回陵陽仙人作校官

邀我苜蓿餐關干我嫌苜蓿不救飢却向太守求甘肥

山陰之尊飲不竭滿案溪菱間山栗仙人赤鯉膾作絲

興發不顧琴高唾青松枝頭碧月來移酒欲上元暉臺

眼前百事不措意，肘後花朵驚齊開。山禽飛回水禽集，
只覺樓高渺難及。何時百尺爲貯梯，時北樓梯拆不得上送我白

雲頭上立。

琴溪客館作

拉拉雜雜彈琵琶，蕭蕭瑟瑟開渚花。青天沉沉忽無見，
殘月黯黯生光華。迨迨溪水何方瀉，漠漠山窗已成夜。
膠膠擾擾擾鷄一鳴，雨點落落落煙冥冥。

曉度窮嶺

屏山高萬仞，厚亦徑千尺。空明初日照，表裏恍不隔。寧
知深谷底，夜氣未收墨。白鳥倚樹眠，青蟲抱枝蝕。林梢
開百里，下嶺勢尤仄。天都雖半露，地脉已全坼。平塗無
十步絕頂一關，阨亭午日氣紅。楓林亦齊赤。

東生齋詩卷第七

十四

夜宿許村

許村凡五里，路險客難到。回厓視昏旦，絕頂突夕照。高
低皆萬仞，山石時露竅。昏鴉無樹集，占此社公廟。原北
色已暝，原南赤如燒。蹤疲思托宿，地陷忽如窞。明晨還
屈指卅里路，森峭夜半嚙。語多擔夫時，競道

與程吏部振甲話舊

精廬百里走難停，依舊山排屐齒青。老眼讀碑猶似月，

故人堆鬢已多星。揮毫尙記參旁午，

君久值機廷

鑿險今看

邁五丁

君尊甫虛谷先生修簪嶺南北道幾及百里至今行人德之君又續修府城八門皆編

却喜過庭詩禮在半傳。家法半傳經。

程君欵我于丹工精舍前後凡五日醉後率成二律卽
贈合子待詔洪溥

帶得天都夢來眠石室雲半庭花韵寂一谷草香薰李
白金魚佩羊欣白練裙醉中揮墨嬾且與話離羣

山雲猶殢夢山溜已驚眠林果堆衾上秋蟲出枕邊宿
醒吾尙病縱飲客疑仙問訊諸郎好溪茶手自煎

河西橋太白酒樓歌同汪孝廉燁及程待詔洪溥作

春人不肯留春燕亦難駐秋風開簾帷微黃入山樹山
葉欲落禽鶯翔紅樓參差已夕陽一千年上事誰識樓
上有客傾手觴新安茶多苦無酒何似山陰剡溪走仙
人遊戲無定方飛去飛來亦何有我疑黃山六六古未

更生齋卷第七

十五

開五字那不題元暉不然元暉去後公復來何以長句
不賦空銜杯驚人句好公問天我轉欲問公從前惜哉
仙人蹤跡不稍待祇見樓外山色黯黯谿水鳴濺濺公
前祇有樓公後復有橋石橋千步樓百尺遠視城郭何
迢迢白雲中間立少時適有遠札馳相思時得方明經
如川札約遊
巖寺同遊年少亦清絕瀟灑並若崔宗之君不見樓頭一
派揚之水直下巖灘復難待故人憶我我憶公雲自歸

山水歸海

烏聊山

女牆沿山百千級客到女牆皆却立城南暝色似拒人
一片昏鴉堞樓集山頽五石皆隕星突處尙帶天光青

山僧煮茗餉山客
一客一人蹲一石

山頭有落星石今裂爲五

太函山
離居幾日無情緒
雁尙未來春燕去
城頭乾鵲時一雙
咒得蘆花白如絮
太函山人晝掩關
五客偶復遊茲山
丹工南頭碧潭左
一塔對窗如揖我

傍溪菴

西風冷泠響天關
炊煙一城飛出山
炊煙飛青水煙白
纔得斜陽滿江赤
新安古剎皆李唐
此剎勢復凌層岡
石厓中飛雲縷縷
佛頂古苔堆寸許

環峯閣

雲光開處穿飛騎
一嶺蓼花紅到地
瓜花黃蔓復上天

石屋踈疎集秋氣
屏風一曲隱一牀
窗扇重疊穿朝陽

芙蓉花生溪水死
一半遊鱗鏡中紫

留別程吏部

茶香清後酒魂蘇
更對竒峯引百壺
明日兩重山外路
夢君先欲夢天都

偶向新安踏市塵
蕭然六合此閒身
煉丹池畔揮千紙
赤鯉先驚化墨鱗

贈沈教授成渭

我愛沈夫子平生見
地超鬢疎秋後葉
筆勁午前潮地僻
成鷄市官閒類馬曹
醉談先世事七十恍垂髫

贈莊司訓雋甲

我愛莊夫子中年薄宰官

君大挑一等呈改教職

芙蓉開晚首

著笑闌干世事心知熟羣經口誦完俸錢餘數百先約
客晨餐

出郭望天都峯

三爲歛嶺遊一詣天都頂天都頂上人今晨若居井蓮
花何鬱鬱蓮葦何迢迢蓮峯雖絕竒未與天爭高我雖
憶天都天都不思我天風響空中青紅落雲朶昨登九
子山正面天都峯濶別三十年舉手揖半空芒屨久已
穿遊客亦俱蛻

謂壬辰歲同遊諸君

我憶天都峯無心返吳會

半道宿吳公壁

危途怯宵征百步亦千折我攀飛鳥巢忽見孤僧室同

更生齋詩卷第七

十七

儕亦驚喜天上一燈出寧知到天土石屋左右列酌我
山腹泉心空水清澈重陽猶未屆霜露已成雪危梯延
客卧膚凍慘欲裂濛濛衾枕膩嵐翠入窗窸燒燈雖未
燼辨色戒行疾出屋望始驚山禽挂枝歇

道中偶得二絕句卽寄淇溥并呈瑤田徵君

煉丹池北小方亭無數山光入暮青羸得閉門三日醉
持螯左手不曾停

易田三禮爨齋史更有魚門五七言怪底郎君家學好

春華秋實翠篁墩

徵君及文學敦編修晉芳皆篁墩支

山中夜起

山空羣動息木葉已先凋衆響從何至天風與蕩搖砌

涼蟲語寂閣暗鼠聲囂夜半催人發新霜幕外飄霜字在節

重陽日時
甫月初五

重陽日霜降

白衣方送酒青女正飛霜聊記重陽節今年在下洋

唐二軼華罷東流縣尉寓居皖口已二十年昨得問訊

書作此奉荅并勸歸里唐本名鵬後以字行

昔年曾住屋西頭薄宦離家已卅秋彭蠡九江時北望

廟溝一水尙南流君舊居也踏殘春草思前度數到晨星憶

舊遊正隴近聞荒翳甚待君歸更理桒楸

見落葉有感

年已迫遲暮無復少壯時落葉既辭樹終難上故枝今

更生齋詩卷第七

一八

年故枝衰明歲新枝好亦如人代謝子老孫復抱明年

春異今年春老人衰遲喜抱孫花開千回落千徧孫復

抱孫吾不見

乘月行宣城道中

葉葉隨風逐去程半空殘月出殘更秋林紅到傷心處

先有曙鴉啼數聲

李白西樓眺北樓南樓又占庾江州老夫才地雖然減

也築危樓東海頭

登北樓作

卅載時牽夢今辰眺覽眞頽然五蒼柏都似六朝人徑

有元暉月樓無庾亮塵更應招白也同醉小陽春是日立冬

夜泊小南湖

小南湖畔路舟泊已初更四壁懸星影千灘出雁聲
零前夜雨雲識喆朝晴魚鼓敲何急如從枕上鳴

溧陽道中

木橋分西南澗水四邊集人家臨澗好門外水聲急
青山無半里朝爽近堪挹村翁無一事倚杖水邊立
兒曹農事竟茅屋飭修葺禽鳥靜不譁深村啄餘粒

溧湖夜望

沿林風轉急紅葉裏歸僧隱青山隙迢迢露塔燈
夜雲空際落殘魄望中升十月南湖涸魚龍氣尙丞

題畫

留得春風自掩關三層閣上著書閒
祇饒碧蘚無紅葉不使秋冬氣入山

蠡河感舊

挂席去無影夕陽空閉門重經昔時地
頻斷昨宵魂檻折春禽占廊虛暗水吞
尙餘煙柳在依約舊衫痕

乘月行攝山道中至朝陽門作

水雲村樹共彎環樹裏人家未啟關
正是四更殘月好騎驢行徧六朝山

南岡北阜界初分遠憶茅濛蔣子文
江左名山本無幾讓他一帝一眞君

過徐中山王墓道有感

難從英辟共功名事過猶令野客驚彭越醢非三尺法
謂藍玉傳 范增疽盡一杯羹
中山病疽特賜鴟
炙一癩食之乃卒 龍蟠帝

鬪形仍壯蕩啄王孫兆已成猶幸開半得前死不然險
欲壞長城

送孫大星衍仍兵備山左

葛仙祠畔早披襟

在句容訂交

不信居然算景侵兩世逮君

皆皓首

君祖母年近百齡尊甫年已七十五君須髮盡白又數年矣

一生于我伴長

險知交出處關成數天地分明鑒寸心良史異時商合
傳莫教廊廟媿山林

采石重謁大白樓

枯僧驚爲起蓬關三十年前棹始還身後名輸一杯酒

更生齋詩卷第七

二十

眼中人隔幾重山

前與孫大同遊今孫大尙留滯吳門

夢留蔥嶺煙雲外

月挂蛾眉杳靄間公謫夜郎余更遠得歸公亦代開顏
然犀亭懷古

過江名士竟誰優到死猶爭第一流倘遇可兒先拔舌

早逢英物一開眸孤亭正對天門峙百怪將從地府搜
却憶登壇誓師日義旗幾欲指荊州

一事傷心說箇闍求忠于孝果非虛勤王縱使能投袂
將母何因便絕裾休更火犀然穴鼠也應風樹泣臯魚

留賓截髮兒能報羨殺陶家奉板輿

涇縣黃田訪朱吉士珩回留宿培風閣卽席賦贈并寄

哲昆觀察理閩中

君家門前溪水足大石寬于百間屋到來三折山已深
鎖徑一橋環碧玉四山蒼蒼合一澗澗水時聞不曾見
青松點入紅葉灘時有水雲飛片片溪風蕭瑟溪雨涼
鷓鴣直來問字堂縹緗堆架一何滿山鵲亦聽書聲忙
樓頭讀書日幾回樓上客兩官逢萊西園子弟盡才俊
作賦險欲追鄒枚一更月出斷崖口却對好山爲置酒
醉向培風閣上眠窗踈不礙看星斗談深復憶神仙侶
豪筆乍完仍叱馭溪山如此不歸來却復看山廈門去
列岫軒久憩

峯巒三面峻都抱讀書堂半夜吟聲苦層霄月影涼偶
懸徐榻榻真認鄭公鄉他日來相訪門前荷芰香

更生齋詩卷第七

一五

二十二日夜雨曉起見山頂皆白蓋天氣嚴寒山半以
上均已作雪也喜而有作

飛雪不到地祇積高高峯高處亦不停旋轉西北風稜
稜夜半風尤猛東嶺雪仍移北嶺樓頭一白直接天樓
上客真同坐井清寒入骨難久留北風吹人下小樓衝
寒簾下一杯酒酒色絕似清江流曉風初收晚鐘動山
骨吟肩登高聳圍爐倚酒欲作書飛白先驚人窗孔
復憇松竹塢卽贈陳孝廉寶泉

松竹軒中說授經授經人已久知名詩傳一一鶴聲峭
考比非非罔語精墨鯉鏡中浮浪起蒼龍天半怒濤生
關千月上應無事更掃書堂門酒兵

莫愁湖久憇并謁徐中山王畫象

結綺臨春事久非

湖北卽清涼山臨春結綺舊址在焉

隔坡樓殿尙依稀

到來海燕樓禪幄運去山龍暗袞衣空館尙餘調鶴地

眞王徒剩釣魚磯

今湖尙屬中山子孫收稅

惟應兒女英雄淚灑向

秋空作雨飛

感賦

年來里中同歲者相繼物故近聞劉舍人召揚亦歿于山左亦同歲之一也感而賦此

流光到眼若飛塵零落知交倍愴神鄉曲苦無同歲友

名場唾作過時人酬知事每失交臂傳世書仍欠等身

只有壯遊聊自慰記經星海陟昆侖

偶書示友

習尙多年卽一更後生原不及先生好名亦是文人事

不近情人不近名

更生齋詩卷第七

三

楊大令倫劉舍人召揚歸觀尙未抵里復追悼一首

一作卽官一省曹五旬年命不堅半管寧死後無龍尾

謝守生前有鳳毛

君爲劉文定少子

學博可曾編說苑愁多先

已反離騷殘秋旅櫬仍難返望斷清江綠半篙

天王堂謠

堂在城東太平興國寺

天王堂中屋不修雨脚總打天王頭耳中穴鼠雀啄眸

力士杵亦隨波流欲修天王堂泥閉天王目一臂天王

已先剝臂落金剛復傷足擡天王出募錢募錢踞挂天

王肩募錢縱多僧醉飽却任天王坐旁倒

以長至日 太和殿早朝詩 課院中諸生亦敬賦一

首

鴛瓦千行瑞雪消火城三面集金貂記曾采服趨中

禁特荷

殊思拜

內朝

至日則百官朝服列班午門外

行禮惟值

內廷諸臣準

萬里烽煙清禹甸丙辰丁巳長至日皆

采服拜

九天音樂奏虞韶觚棧回首真如夢獨向江村

得西南

聽麗譙

萬卷歸裝圖為孫大賦

每耻前人我不如年來妄念始消除笑君積習偏難盡

尚喜人間未見書

君正褰帷我荷戈買書錢已苦無多丹黃別有三千卷

或可釐君校本譌

百生齋詩卷第七

五二

月午樓歌

仙人好居樓樓築青山頭樓居又比山居好八牖居然

拓天表山樓明月不待宵海上月出光先搖讀書聲高

月亦高月午尚覺書聲飄前黃高峯後箸嶺書聲飄壓

四山頂松梢夜半老雀醒雀唳亦比書聲清樓頭雀影

兼人影樓外雲鋪百餘頃仙人世外無書看聽書日日

來檐端月亦不得落書亦不得完君不見紅闌干前白

玉盤讀倦且把明霞餐

受業崔辛化校字

更生齋詩卷第八

陽湖洪亮吉著

北郊種樹集

讀史六十四首

大九州藏小九州大瀛海外水仍流九州各有開天聖
送拄乾坤到盡頭

啾啾唧唧四邊鳴造字臺邊夜哭聲足見一篇無鬼論
便從上古已難行

一粟先看世界浮女媧搏土不曾休自從未有人行日
玉兔金烏已出頭

魯陽戈已嫌多事第一尤憎后羿弓正要不分昏與旦
惡他十日照寰中

棋家國手說秋儲此局開從允子朱破盡工夫究何用
笑他一著競贏輸

何須刻意別靈頑物物同生宇宙間各有出奇爭勝處
翼填東海擘開山

蠶食何堪四面來陽人負黍踵難回周家八百年天下
末路惟餘避債臺

曉饌牲牢夜擊鮮華堂養士各三千何如五百田橫客
蹈海都同魯仲連

督亢先看具地圖樊于期忽仰天呼燕齊海上多奇士
狗盜要難及狗屠

一椎一鏡一七首三客果誰能策勳滄海君來亦無用
先知獨讓瀉池君

開國先愁乏遠圖西都習尚逮東都漢家一代崇虛誕
黃石兵書赤伏符

緣知隆準是真龍白帝先愁試劍鋒功狗已烹高鳥盡
祇留一雉雉深宮

萬卷先從客舍儲撰成八覽紀乘除笑他只善居奇貨
也學虞卿強著書

漢家中葉慶連綿元狩元封國祚延天上歲星來執戟
如何天子不長年

前殿危言批逆鱗後宮思重亦忘身朱雲折檻熊攀檻

更生齋詩卷第八

二一

越顯名臣與美人

蘭茝招魂些續歌楚天萬里不生波願將魚腹詞人弔
文考湘江屈汨羅

宣元以後治優柔況復專朝有五侯正與商君法相反
風官不去鼠姦留

客未登車主候門世家家法已無存史臣倘爲宣尼諱
十四傳中削此孫

烈士傷心古道旁一生曾未值孫陽却看老驥還千里
正負鹽車上太行

法堯禪舜亦家風二十韶年作上公不見露臺曾惜費
偏能全賜蜀山銅

著書空費萬黃金，剽竊根源尚可尋。
呂覽淮南盡如此，兩家賓客太欺心。

並世才能識魏公，死猶兩女嫁英雄。
豕雞斗酒無多費，我欲時時酌冢中。

大將王常太尉牟，嗇夫游徼盡通侯。
東京人物寥寥甚，卓茂居然冠輩流。

同時北海出儒宗，邴管仍堪合作龍。
畢竟漢朝經學貴，黃巾爭拜鄭司農。

祖尙元虛自晉賢，黃初人物已開先。
漢家盛日尊黃老，不習角華內外篇。

霸業王基並有因，轉嫌封拜不酬勲。
虞侯賜劍燕王刎，恐負難兄付託殷。

更生齋詩卷第八
謂孫大帝宋太宗

三

東京文格本來卑，一字無慚語亦欺。
不被古人瞞到底，曹娥碑與郭君碑。

多金贖女出匈奴，友誼曹瞞絕世無。
愧煞君家五官將，刀頭難赦仲宣孤。

聖謚篇成漢學亡，六書訓詁孰推詳。
一編難與專門較，杜預春秋寧穀梁。

家世何應出阿戎，嗜錢鑽核作門風。
葫蘆塵尾皆長柄，莫晒南朝玉侍中。

絃歌小邑寗風流，一令寧輸督八州。
強使名賢附華胄，泉明地下亦包羞。

江東王氣總綿延
晉宋梁陳代屢遷
只有蔣山惟一帝
居然香火占千年

白雀空矜一世才
新支堡下忽徘徊
死胡尙嚙生天子
何怪堅頭入夢來

漁人何事舌偏饒
饜數炎精迄本朝
從此桃源不淳古
并知劉石與苻姚

虛無上八洞眞僊
稗史新傳委宛編
不信堯時白蝙蝠
能知混沌與開天

已見苻堅過項城
八公雀啜與風聲
淮南雞犬都仙去
尙剩沿山草木兵

妄思成佛反遭魔
歷劫應知負債多
何必贖身同泰寺

累他臨歿喚荷荷

武都山接谷軒轅
百頃仇池富水源
不是氐羌來據險
人間此亦種桃園

蕭曹丙魏冠西京
房杜淪亡姚宋生
只有漢唐人物好
中興開國盡名卿

三峯高接華山巔
下視蒼茫幾點煙
不是謫仙人在世
好詩誰敢問青天

胡雛相異兆生時
鐵額銅頭并護持
得豬婆龍死命
僅須一箇李豬兒

中唐風節數韓公
詎止文章一代雄
異類強蕃盡低首
王庭湊與鱗魚同

纔是滄乘劫裏來唐除丑口呂書回何應一落金門第
不作仙人即盜魁

萬羊太尉李文饒食料誰知命所招日啖半升原作相
何需八百石胡椒

轉覺雙鬟有定評旗亭聲價一時傾怪卮九級慈恩塔
徧檢都無李杜名

絕代才人韓致光百篇詩句一奩香麝須拚罷吟么鳳
鐵是心肝錦作腸

逆怪稽神作語林誰知劫數已相尋冠貂衣紫人如豆
從下南朝徐楚金

年名五代不多時七姓官家盡健兒辛苦九朝長樂老
朝秦鼻楚費支持

魯論半部篋中藏垂老應知亦健忘怪底一朝多語錄
用他學究佐興王

香孩兒事寔堪疑滅迹思將一代欺身上黃袍袖中稿
製成恐不是臨期

百事都嫌強出頭扶乩壇上亦來遊神仙何苦名心重
處處題詩向酒樓

詩案曾留御史臺儼人亦轉歎奇才雄文却要蛟龍助
不枉先生過海來

尙書別有古文傳西蜀才人著太孚僭聖亦同非聖例

楊雄梅賾趙師淵今所傳通鑑綱目實朱子門人趙師淵作揚以太孚擬易趙以綱目擬

春秋與梅賾換偽古文尚書其罪一也

一成一旅總堪憑萬頃洪濤一葉淺不據西湖據東海
趙家端可號中興

儒林道學本同原分傳翻嫌史例繁只我欲書三獨行

石工軍校鄭監門石工安武殿前軍校施全監安上門鄭俠

萬乘曾爲孤注來惹他譏口一時開契丹西夏非強敵
祇覺中原乏將才

七尺終當死報君黃冠南下屬傳聞一編琬盪名臣錄
都讓王家生祭文

戴人至思如戴昊天投荒百日準歸田家風尙愧鄒
陽集雪窖冰天十五年

東生齋詩卷第八

六

詩情畫筆號專門三絕雖兼格不尊說到彥回先齒冷
更誰人數趙王孫

讀史常侵夜漏餘時時一夢到華胥可知不在青天外
竟欲乘風去卜居

都似空中飛鳥過強分名目費編摩試將列傳平心看
一代傳人本不多

千日中山醜已嘗便須一鋪家中藏伯倫死酒非眞死
想要逃名入醉鄉

飲啄何須更好名修真先要近人情烹龍魚鳳瑤池讌
誰說仙家不殺生

晉代旌陽唐李筌是誰人已得眞詮近來老輩神仙少

數到元時白玉蟾

寓興

一身從何來父母之所昇既須建修名亦以綿世繫受
全歸亦全所係實非細曹然魂魄化仍與親附麗一一
返厥原同歸天與地形骸既速化齒骨朽亦易留貽世
間者不滅惟此氣

古人善讀書書亦本來少經年可卒業不必徹昏曉沉
酣六經外祕籍偶探討方書亦無幾素問及本草百二
十國書一名作寶少纔能肆力多卽難見巧陳編逮
今日富至不勝考所以無用書空資蠹魚飽

天地雖至大物力本不多惟茲樽節心爲能養天和日

更生齋詩卷第八

七

食數萬錢遠聞王與何飛走不得逃高下設網羅曾誇
鼈重裙兼詡四足鵝風俗近益奢背峯炙明駝俊味罔
不登揆及燕雀窠末流心竊憂詎敢揚厥波非有求福
心又豈懼譴訶甘受鄙吝名不敢知其佗

學術本一途後乃判釋道魏叔崑無識作史列三教三
教中復分十百富名號爭奇仍鬥捷一一欲建效遂令
清淨域無事亦爭剽民生半無業物力因已耗合一縱
甚難何不各守要兼收更非計分路或同到惟求心所
安誓不惑果報

新進喜事人不可位相將持其一偏見遑復計得寥紛
然變成法畢竟無一當古來大聖人貴述不貴創周官

不善讀邪說復首唱青苗市易行天地爲播盪巴東亦
不免時露好事狀偉哉無口瓢此乃真宰相

側聞飛仙人上者居列洞騎龍跨鳳外頑石亦能控游
行一世間風伯自迎送怡神雖足樂于世究無用况經
年五百劫數亦殊重我意不謂然踰糜復時弄空言如
有禪後世亦諷誦無爲守丹竈寧可抱酒瓮化人王無
功日昨屢入夢沉冥雖已久顏色益飛動醉鄉苦無書
爲寫酒德頌

家儲萬黃金或者有憂色行乞得數錢陶然樂斯夕賤
者未必非貴者未必得置身豐歉外庶不爲物役鍾乳
一千兩胡椒八百石縱如彭祖壽亦恐難畢食徒然使

後來笑聲千載劇

東坡詩集卷第八

八

少歲盛意氣不願爲詞人垂老筋骨衰勤力始作文投
荒昨歸田松菊僅有存親亡逃卅年兼復鮮弟昆偕老
願亦違骨肉滿墓門尙幸一室中不乏子與孫又客偶
一歸肯酒又已温僕婢立我前勸我盡一樽慰勞固多
方嘔笑恐未真欲營山水區庶畢勞瘁身持此一寸心
不死期報恩

北轅窮大宛西轡踰棧閣洪河狎蛟蜃滄溟截鯨鯨回
思至危境亦卽寓至樂豈惟豁雙眸宵次亦已拓丈夫
處閤巷百事苦束縛終年心賞處僅止一邱壑低瞻慙
赤鯉高視愧元鶴寧知轆轤屨天外亦飛落平生無別

嗜有景必搜索生當恣游覽死卽安冥漠一世誰能愚
南山石成柳

束髮事結交良友堪悉數文章與談讌各有投合處立
身復不同分道各馳騫揚雄性沉默遜秀欣世務君看
華與管始合分末路彼此不必非邪正性所賦卽如同
學者意見亦參互王何標理解張趙崇傅注璣稱善名
物曜乃詳訓詁一得皆可傳無須學跬步君看天上星
東西各分布飛何必陸走赤亦難請素絕交論亦褊故
者無失故

學術尙周孔治術尙黃老漢家西京前異說不得擾官
皆核名實學亦具師表黃初尙元言配老乃以莊治術

更生齋集卷八

九

日以頽沿流益荒唐明道崇理學升孟以配孔專門學
益希語錄衍千種寥寥一千年感此風教殊實政罕逮
民私心競師儒誰祀周元公誰讀軒轅書

獨遊水西登煙雨亭久憇追悼朱學士筠江太守恂

壬辰

四月會
同遊此

山城一水環如帶雙塔影飛三里外行人望塔路不迷
斜日已過山城西別來江水依然綠竹樹千尋路千曲
林梢盡處立一亭日氣轉赤煙光青亭危一角驚先拆
使我傷今復懷昔春燕巢空春草枯憑誰更問春消息
當時逸氣橫九垓桃李迎客爭先開寧知過眼若飛電
三客坐處生莓苔卅年舊事愁難再何況風光隔千載

龍徙空山杳莫尋
崔歸華表寧能待
芒鞋已倦蒲帆舉
別意惟同夜鳥語
行客多時怨水風
危亭入夢仍煙雨
過水西渡

已作如塵似夢看
殘春曾此一停鞍
能迎三十年前客
只有參天竹萬竿

青弋江舟行

順流轉比逆水難
北風吹水欲上山
風中歸鳥性偏急
逆浪逆風穿樹入
青山影外溪流足
溪水亦輸江水綠
水西明月來水東
却暈一角斜陽紅

夜起

窗櫺高下綠低迷
夜半何人發水西
留得月痕剛一線

却教山鵲盡情啼

更生齋詩集卷八

十

長至後一日消寒第一集諸及門餞余洋川書院之生
雲閣分賦得山樓卽事四首

前宵雨初停濕霧一山皺
白鳥入白雲延回飛不透
樓閣三百家溪流自環繞
澗底出笙歌年豐賽神早
却倚青松樹迤東築小樓
昨宵驚驟冷靈鷲宿牀頭
紅林千百株一夕已無影
山風颯然來巢禽各延頸

蕪湖喜晤張太守祥雲

時攝道事

暫移五馬駐雄關
意外相逢遞往還
同輩漸如秋後葉

異書高比屋頭山人傳
海上魚龍橫

時洋匪在寶山嘉定一帶滋事

我

共江千鷗鷺閒濶別十年重握手
喜君青鬢不曾斑

荅友人贈梅

一棹欲歸江浦五株誰贈溪梅却掃軟紅塵去安排萼
綠華來

港口小泊

濛濛雨細天垂黑白鷺欲將行客嚇眼前風浪轉不驚
飛鳥蹈空人贖實

消寒第二集陳孝廉懿本招遊蕪湖城東沿後湖隄至

三昧菴看黃梅作

後湖三百頃煙霧忽微茫寺作前山界隄負夾水塘瓜
分留寓縣

東晉時改蕪湖立襄垣定陵邊適三僑縣

果熟薦空王坐久還成

雨黃梅發古香

史生齋詩卷第八

十一

十五日晚自東梁山移舟至西梁山泊晨起阻雨

東梁山上雲欲作西梁雪移此江山舟過江看落日江
千三尺霧又向江南結三更迎面雨隱此當頭月已有
曙鵲聲愁霖苦難歇

守風西梁山竟日

雲從西走東頃刻一山出回瞻東梁山復向雲表沒寧
惟南下少北去帆亦絕檣烏與林鵲對語較清切荒庵
懸隄岸正晝色如漆我倦亦枕書陶然醉終日

舟過蕪湖始聞彭尙書元瑞之訃謹輓一首

不求立異不從同十載追隨朶殿東編集會昌名一品

蓋棺光政贈三公

沒後奉
仍贈協辦

大學士

諭旨升沉總在雲霄上

公自副相降補閣學復擢
侍郎尙書皆直南書房思怨都銷氣餒中寃惜石渠

天祿署更誰博物比司空公聞見寬博尤悉
本朝掌故一時無兩

十七日晨起北風尙勁書此遣悶

昨宵雨如煙今晨雨如霧多謝西梁山留人三日往咫
尺不見娥鴛開山溜隱隱喧驚雷明朝未敢望江浦祇
願征帆泊牛渚

是日晚抵采石因獨遊三元洞作

西來長江一萬里盡向石竇光中收回頭滄海亦不遠
初日欲上潮驚流孤僧聽慣亦不訝枕上長江六時卸
長明燈燼已十年空水光中不知夜

夜起登太白樓

更生齋詩卷第八

十一

準擬宵深秉燭遊然犀亭下泊扁舟青天無月人無酒
辜負三更太白樓

十八日早自采石挂帆將抵江寧訪孫大星衍先寄一

篇卽以志別

時將赴山
東監司任

今晨挂席思凌空五色已曜帆橋東舵樓繙書未一卷
席帽亂捲三山風新晴水面鋪朝旭影外波濤尙如斛
艱危歷盡心已平水狎鼉鼉岸麋鹿此時却憶單居使
可己乘流向揚子白髮樽前有底忙素心海內無踰此
河流雖濁官能清河隄使者憎好名得閒篆仿徐內史
好古客呼劉石經功名試問誰能足仕宦我知貧寃樂
他時青兗來看山北抵二嶗東岱嶽

十九口早過烈山作

烏江浦口暫徘徊昨日舟從采石開半响柁樓眠未穩
六朝山已上帆來

十一月二十一日消寒第三集胡戶部稷昆仲邀同孫
兵脩星衍冒雨至小倉山房探梅并留飲小眠齋卽

席賦呈並贈袁公子遲

曾見郎君入抱時傳經近復課佳兒古梅似向閉人掛

舊事都應老宦知墩割一隅袁大令枚卽
葬山房側埋謝傳錦留

五色付丘遲談深紅燭全銷焰門外三更雨若絲

十二月二日消寒第四集李兵脩廷敬招同人集平遠

山房觀宋四家墨蹟卽席同賦

正字齋詩卷第八

十一

裝成橘頌荔枝詩尙憶煙雲過眼時余久客畢宮保署
見所藏宋四家至

二十餘種尤奇者蘊文思
橘頌蔡端明荔枝詩也一代傳人原磊落百年真氣

藉扶持寒梅消息遲霜信殘臘心情付酒卮我是庾公
樓上客摩挲故物劇相思

題秦宮人曉粧圖

仙雲如綺復如羅天上新看鏡乍磨錯認廣寒宮小集

一輪圓月一恆娥

李兵脩以會勘江浙地界泛海至羊山信宿公事畢繪

泛海圖屬題率成長句以正

一帆出海何飄然五百甲卒藏戈船帆檣解與潮勢鬥

五色幢上蛟龍纏竿梢時浮復時沒蜃氣回環一山出

海風吹人若步虛却及島中方履實誰言海外一事無
文案積若牛罾粗經時履勘事甫竣瞰海絕壁如浮圖
故人尙有洪厓在挂席何應不相待請公別買一葉舟
我亦時來看東海

初四日消寒第五集李明經筠嘉招同李兵脩廷敬何

徵君琪陸孝廉繼輅林鎬儲桂榮楮華李學璜鮑熙
改琦徐棠諸文學並鐵舟上人吾園小集時余以明
日旋里諸公皆卽席賦詩相餞醉後率荅一篇卽以
留別

一雀引一客閑步汀西頭汀西閣上人一一如眠鷗元
裳丹頂時窺牖坐崔居然戀紅袖有時合隊出探梅七

尺亭亭影俱瘦簾前新月輝簾外疎梅開春人結束登
春臺鼓吹復從門外來主人約客排宵讌落日暉暉坐

中見陸郎年少飲亦豪十七人中稱寃健香巖備高詠

竹圃鮑歌激得閑外生回波就中匿笑何春渚七十風

懷尙能補坐中有歌者四人解衣作畫改七薌我亦石上題屨

忙鐵舟開士詩才逸畫筆年來亦如鐵謫仙開衙東海

頭好客絕似劉荆州穀入詞老梅村叟前後可稱雙祭

酒時遲吳祭酒錫微嫌病酒及十旬明歲花開可來否

一更飛觴至二更坐上客始連翩行冥濛歸路不知數

幸有導騎持燈迎君不見新知雜故知十晝又十夜三

更未醒船已行挂席當從蠡河郢

鐵舟上人邀至南園早飯

晨餐未了午雞啼好客應知劇孟齊上人坐上食客嘗滿一味蔬

行宦相稱公參玉版我黃齋

舟過昆山有感徐司寇乾學王司農鴻緒舊事率賦二

絕句

傳是樓空水榭荒百年先已感滄桑早知身後名皆在

何必師生軋百場司寇奉命所修一統志及司農明史稿皆係可傳之書

人言太僕繼南豐微覺前賢面目同我讀亭林居士集

不求工處自能工

初七日消寒第六集瞿應謙別駕攜酒招遊虎丘久憩

生公石時宿霧漫山飲畢不見一人悵然而返分賦

得石字

山僧啟山關驚出雙逸翻寧知攜榼者先已候門隙僧

寮雖未啟已布行客席樓臺丹碧影裏此寒霧白三載

偶一來為歡感今昔兼攜亡友句時適攜亡友遂寧張開筵詩為闕定久

恐生公石同儕摟世事一晌閒不得時待諸同人並不至千人石

上苔寥寥坐雙客

臘八日破曉過錫山作

山雨接天白破寒溪上來北風吹別袂南酒勸銜杯宿

鳥依林顛驚魚蹴浪回呼僮泛膏粥聊賞膽瓶梅

牛壠側形家言尚有昭穆二穴因以昭穴葬亡婦而舍

弟冢適被水漂遂遷葬于穆穴自此先壠已無隙地

他日子姓不得更附葬并作此詩以爲戒約暇日復
課兒子等添種松百本作籬衛之庶幾封殖之義云

爾

憶從葬西原子姓殊不少一輩課十株佳柯已繚繞冬
青女貞樹墳道藉以表東南離百步溝水成曲沼春到
上冢船鄰鄰碧波小經營三十載齒髮慙已老無貽地
下羞吾行倘堪保

十步依我祖五步依吾親料量松栢株芟此荆與藜石
几清且修藉以列俎尊吾弟近亦遷庶免水嚙墳

弟冢爲水

嚙墓門爰遷柩穆穴全家骨肉多鬱鬱滿墓門統計一室中誰亡
復誰存恒餘有自來吾以還二人

夏生齋詩卷第八

十六

逐臣西戍日十冢渾河源回頭蔥嶺高萬仞瞰北原豈
知螻蟻微竟荷天地全荷戈復歸來衣敝履亦穿得祔
先壠旁此事豈偶然願旣遂首耶萬念盡可捐所慙德
未酬以勗子與孫

憶昔初結襦白雲溪畔室追隨三十載亦旣衣翟弗一
朝人事改卅旒屋頭設明明同命者今日乃獨活忍心
奚若此委彼在林樾翁姑歲時饋地下冀修潔却待松
有濤吾行亦歸骨

十七日消寒第七集楊上舍槐招同趙兵備翼莊宮允
通敘劉宮贊種之臺太守聚方明府寶昌早飯石竹
山房復至秦園茶話始別分體得五古一首

春筍未及抽石竹已成列草堂花氣暖無異讌春日主
人工治饌厨婢亦修潔溪魚及園韭日昨已梳剔樽羅
會稽釀盤滿洞庭椅寧惟充口腹志意亦怡悅尤欣嘉
會早讌罷日方長復有縮地方秦園茗堪隄宅北有茶亭仿錫山

秦園
爲名

更生齋獨坐

更生齋獨坐俗客無一到圖書堆滿案藉以拓衷抱主
人五十八始覺有白須蓋棺無幾時所幸樂有餘前時
葬山妻日昨哭亾友平茲萬古愁庶藉一杯酒林梅旣
寒香水仙亦幽姿呼兒開甕頭屈指當祭詩

讀歸方伯景照猶女佩珊詩冊率跋一首時聞方伯已

更生齋詩卷第八

十七

從戎所旋里卽以寄之

每詡嬌兒筆陣遒憶借巨擘戍西郵李騰空仙不旋踵
段秀實歸仍戴頭種樹經會攜萬里方伯在塞外時簪菊種至數百
花格已定千秋東山緜竹真堪慰各有深閨侍唱酬

過白土鎮

吾縣華陽驛前朝白土鄉剩坡餘臘雪微雨出朝陽月
向蟪頭墮人從驢背忙盤飧思往事乙未冬過此本鎮
發斗酒頻問讀書堂見前

青元觀

仙人高臥處觀後卽葛仙翁大家一巷亂雲飛列闕真如峙蒼松
相與依鵲靈朝語警霍古道身肥法侶來迎客仍穿禮

斗衣

重至句容展亡友王廣文吉士殯率賦一篇卽呈令兄

司馬周南理閩斗南

卅年不到華陽閩南栢栢都已蒼縣中老友誰更健
腹痛寃憶西頭王

與令兄周南分居東西宅

當時賓從頻來往修竹

山房及西舫漫士心情沈隱侯校官風度王元長騎驢
已倦牽車來醉客何止三千回澹香吟屋賦詩處采筆

一一埋青苔

朱茂才鏞及令姪潞暨駱秀才三奇均已下世

孫郎遠宦鴻河口

我亦荷戈天外走前時自裕諸少年相對各驚成老醜
青元館前訪葛仙更向烏翅岡頭眠三峯遠復有前約
時將遊

茅山

道士待客排雙筵城南欲別頻回首復挈城西

夏生齋詩卷第八

十一

草莽酒一杯酌爾應快心生友竟堪成死友

臘月十九日消寒第八集王司馬周南招宋學博保暨

令弟理問斗南文學簡可陪遊獨窈山莊看梅歸飲

修竹精舍卽席賦贈分韻得莊字

三十年來事渺茫塢中藤蔓屋頭乘何期句曲羣仙會

重醉先生獨窈莊天上黃人曾捧日

時語西清舊事

月邊青女

自飛霜遲眠緩步消餘酒嗅盡寒梅樹樹香

二十一日自句容沿破岡瀆抵綠野村裴王政暢招同

楊文學鳳翔暨小阮中翰錡上舍鍼集金粟山房作

消寒第九集并約明日同遊茅山卽席分體得長短

句一首

我飲秦淮水欲覓秦淮源荒岡百折走不盡側耳已聽
流聲喧未遵赤山湖先逢破岡瀆古澗寒流三尺足其
上莓苔葢深綠關心七日卽小除爆竹響已盈衝途年
殘只我無一事尙向山腹搜竒書道人相貽綠玉筇一
笑欲上高高峯寧知遊興昨方發大茅山頂雲先紅招
邀伴侶皆踈散祀竈黃羊亦充饌饋歲人貽赤鯉魚經
時我啖青精飯主人頻開綠絳堂更約入夜傾千觴一
門羣從悉來謁問我何事投遐荒遐荒萬古風沙集我
感 君思仍雨泣不是天邊早 賜環何能地上
周遊屐陶貞白葛仙翁拍手空際欣相逢神仙大半遊
世上宰相亦復居山中清涼境地真殊絕一樹寒梅一
甌雪我向梅花樹下眠羅帷夜半飛明月

遊裴氏園亭

深澗遊魚五色小樓乾鵲千聲寒日欲斜松阜亂雲已
暗山城

破岡瀆夾岸皆栽桃裴明經鍼于此送別更約花時復
遊因作此贈之

破岡瀆後亂山多結屋欣看傍澗阿此是碧桃花世界
不妨開日更經過

入茅山自黃仙墓至乾元觀宿

死非死生非生黃仙蛻處還留坐出不出處不處宰相
居山究何補平生不解陶華陽念念都欲榮君王惟餘

一事差快意愛聽千尺松聲涼宦途不礙神仙境句漏
旌陽兩袖令但使能修駐景方周妻何肉都非病我來
依茅岡咫尺鄰荒墳山風蕭瑟溪水溫夜半白狼來叩

門

山北尋老君垂雲諸洞

半月西已墮半月東復升團團滿月光莓苔結三層一
洞嵌碧月一洞垂紫雲紫雲欲下倏復上離地驚看不
盈丈高低元氣若吐吞一朵突出驚當門其餘一朵復
一朵忽若雕盤貯新果一朵雲盡處叩石鐘復有雷鼓聲
隆隆君不見壺中飛雲亦已奇此洞何止雲能飛洞中
英英鋪不足却惹生雲夜來宿

乾元觀夜起乘殘月看梅

更生齋詩卷第八

二十

萬夢初醒處回廊歷幾周好花紅蝶背新露白烏頭徑
轉風千尺簾斜月一鉤是誰暗客耳春水竹中流

宿乾元觀有懷孫兵備星衍

百轉千回歷鬱岡跨驢前事渺難忘曾攜天上神仙侶
來憇山中宰相堂今日故人分出處更憐餘子半存亡
乙未冬同遊者兵備外爲林公子崇纒與及門鄭聯華今均已下世蓬萊海水都清淺道以隋貞白爲蓬萊都水監故及之畢竟誰尋駐景方

張太守鳳枝謫戎伊犁以愛姬冉寄其姊榮陽令署華
太君處越歲太守札致太君偶不及姬姬本思憶成
病復因是銜恨遂雉經卒太守自戍所還傷之屬賦

此詩

繁臺幾化望夫山却待征人久未還情到死生何以報

揮殘老淚入陽關

七千里外別銷魂

州人

十五年前誓尚存郎不薄情儂

薄命再生端欲入空門

地府永埋千載恨天山不寄一行書傷心三尺生綃影

入夢多時尙未除

索嶺盤江歎遠官相隨幾見月團圓定情金縷裙猶在

摺向空箱不忍看

東坡南海公西海暮雨朝雲夢總空寂莫小桃墳」樹

異花猶染淚珠紅

更生齋詩話 第五

魂小仍隨油壁回憶郎門向裏河開築他燕子樓千尺

供養平生畫像來

瞥見驚鴻影未真

在貴陽日太守曾喚姬出拜

青綾步幃動遊塵多

應平視劉公幹蜀作新詩悼洛神

尙有西臺讞案存誓心終不出侯門九原若遇河陽令

謂陳大令熙蕃時亦久卒更欲低頭拜昔恩

小除日更生齋招諸同人祭詩

年殘風雪寒良朋悉遯歸如何未入春石砌已墮梅東

西比鄰中雅有數子才招來更生齋相與銜深杯諸君

盡輩年感我募景催送客復入門晴陽尙輝暉

趙司馬懷玉自山左奔喪歸同官贈以一舟至清江浦

渡河膠敗舟圻八口幾至覆沒以救得免司馬作巨
解自嘲并索余一詩記事

大舟峩峩高百尺敗久無人肯相索先生途窮欣得之
輦致妻孥及書策忙中方渡天妃鬧意外忽趨河伯宅
無端突起尺一波竟敢馮陵四千石

兼攝本郡

馮生詎欲謁

陽侯展氏不關多隱慝船無阿堵物堪羨舟有辛餘靡
亦圻郎君幸免魚頭戴如願本從龍窟得篙工舵手聲
齊奮撒網持鉤拯亦亟微軀險欲爲人鮮定例并須援
嫂溺孤兒一日三番哭水厄仍兼絕糧厄推量其故亦
可曉至寶隨身遭迫逼龍神要看瀧岡碑鮫府思撥辟
雍刻不然畫寶吳道元或者字藏黃魯直遭風濕木考

更生詩集卷六

三

竟升落水蘭亭假誰敵評書既貴屋漏痕佞佛本當衣
壞色但令釜底不生魚何必篋中長貯帛罷官尙飲八
閩水助葬誰貽一船麥可憐剩有朝衫綠亦復染成天
水碧窮經先已集坎培讀禮還遲十窰爰曝日神方時
偃僕見星歸路難匍匐髮膚未毀真天幸妻子得全容
衆力王楊盧駱半遭此

君曾刊唐四傑集

才大例須沉澤國先

生盛名亦不減一死何妨塞其責卽令萬一免沉淪從
此尤應斷縑墨如何更不思愆咎更準解嘲成解嘲君
毋更以性命戲勢必重遭神鬼劾一官青社旣偃蹇三
載聖廬須簡默仍愁溺後陸上龍照見麻衣笑聲劇

受業曹景先校字

更生齋詩餘卷一

陽湖洪亮吉著

冰天雪窖詞

主人少喜填詞壯歲後恐妨學轍不復作卽偶一
爲之終歲不過一二首歲戊午自京邸乞假回車
箱無事輒填至數十闕及自塞外回里亦時時作
之遂滿一卷名曰冰天雪窖從其後言之也少日
所作亦不忍棄并裁作一卷附焉機聲燈影詞是
矣

臨江仙

綠鬢學仙愁已晚卽今況復蒼顏天空鳥去不曾還未

更生齋詩餘卷一

一

知雙蠟屐再入幾名山半世著書難得了視臺肯放
清閒酒人相約掩蓬關臉從花索笑心與石爭頑

憶王孫

涼風吹綻一天星約伴時時過水亭說鬼宵深不可聽
掩疎屏小婢齊聲喚佛經
過汀故說愛新涼躲過前頭姊妹行私語喃喃已不妨
卻提防移得鸚哥出畫廊
兩重門內忽相逢一串花香出袖濃剛賭秋千氣力慵
且從容眼角回青頰轉紅

傷春長自下簾鉤杏葉扶疎柳葉柔三月花前雨不休
沒來由私語催人上小樓

滿江紅

陳其年先生填詞圖爲伯恭學士賦

卅載填詞香一瓣敬酬陽羨可可是家山百里畫中頻

見

前曾見先生四十畫像

涉筆偶描秋士影關情別有春風面笑

青衫五十尚沉淪工排遣 將擲笛先施羈乍展卷仍
安硯仗卿卿壓盡等閒釵鈿別夜寂憐天似水當頭吹
落雲成片算個儂風味有誰窺梁閒燕

試問熙朝人物在宋元之右只己未宏詞一榜尤稱
淵藪前輩愛才真似命昇平樂事吾能究趁閒來歌板
兩三聲消清晝 竹垞老梅村叟招玉叔攜紅友且不
知秦七何論黃九翡翠几暫停三寸管新腔已落千人口
羨當年風月寂清華誰能又

雙調江城子

紅豆詞爲禮親王世子作

深秋門巷動涼颺掩關遲雨如絲折得一枝紅豆立多
時天上亦添新別恨人不見渺相思 拈來枝葉影參
差意誰知酒難辭且與梁園賓客譜離詞只有文園消
渴甚賦不到九秋枝

十六字令

初冬

風一夜千林葉墮空開軒望斜月正中峯

減字木蘭花

香濃月淡幾朶露蘭光欲泛行過房櫳福橘裁燈墮小
紅 茶甌清冽留得那年元夜雪說夢聲低偏惹簾前

鸚鵡疑

唐多令

真氣本無前豪情忽欲顛
兩百番沉醉眠亂摘九天
星與斗權當作酒家錢
寥廓約頭仙踏紅雲種田待
秋成歲月三千擬釣六鰲滄海去雖不飽且烹鮮

眼兒嬌

杏花樓上杏花香無語
斷人腸于他甚事鶯鶯燕燕
咒盡年光依然簾幕依然鏡
依舊隱斜陽如今再要當
時人面卻費商量

又

嵌心百事總難忘閒處一端
詳鮑姑紈扇柳孃羅襪謝
姊繚囊愁多不合住江鄉
夢少也千場笙歌元夕鶯

花上已簫鼓端陽

更生齋詩餘卷一

三

轉應曲

雷鼓雷鼓打過春三四五還
虧列闕豐隆催得前村挂
龍龍挂龍挂一幅水鄉圖畫

蝶戀花

時欲乞假南回書示子弟

十二闌干紅半曲桃杏將開
一雨先舒萼多分散人真
有福半春好夢無重複
卅里迢迢煙艸綠欲望江南
遠樹偏遮目好水好山生計足
汝曹莫恨歸期促

賣花聲

春分

艸綠未成茵柳線難勻等閑
鶯語幾曾聞只讓杏花同
燕子占盡春分心切望朝
暎霧暗連晨關心西北有

征塵日日玉堂天上坐卻是閒人

謁金門

誰決策除是劉琨祖逖一事差堪竄越石承平非狎客
又手巡行今夕放眼追思疇昔好友綠儒都入墨寥
寥心孰白

相見歡

黃昏獨下珠簾病懨懨差喜蒼頭常苦夢常甜 三义
渡三生路白雲尖悄况長林斜月影纖纖

鳳棲梧

畢竟春來饒氣勢萬鳥啼春萬夢隨春至惹得玉梅添
意智花開又豈干春事 白裕春衫聞已製輕暖輕寒

春轉無倫次何是與秋非一致春人只把情懷試

滿江紅

譚子受英雄兒女圖

大蠱高牙問此是誰家年少只亘亘倚天長劍勢將離
鞘千里偶追流電影萬金顧買傾城笑算渠儂二十五
年前堪同調 且緩緩金樽倒更艸艸離愁攪看車前
努力急思投効兒女情懷何者是丈夫志業誰能料問
卿卿何日定天山紅旗報

菩薩蠻

玉皇宮殿高無極東西龍虎更番直天上事偏多仙人
鬢亦皤 麻姑空一笑偶自舒長爪掐破碧桃花花光
照萬家

滅蘭 寄舍弟

吾家阿弟先我一年辭 帝里玉版銀鱗飽啖江南二

月春 小桃開落穩坐卷施東畔閣應念衰翁騎馬朝

朝冒朔風

應天長 直廬卽事

構巢招得雙鷓鴣激水養成千屬玉長林麓橫溪曲卻

向此中開竹屋 閑官殊不俗所喜更無拘束昨賜萬

條官燭寫 三朝要錄

江南好

時將乞假南回作此寄里中親舊

鄉園夢昨已到雲溪生小樓臺三徧換柳邊門巷亦全

非新綠浸簾衣

見生齋詩餘卷一

五

鄉園夢昨已到花橋對舫乍憐詩社歇

陸祁生每與丁叔候兄弟及兒

子節孫等聯吟時並遠出

隔河添得酒旗飄燈火徹清宵

鄉園夢昨到槎舟亭小港蓄魚橋半圯荒庵燒筍戶全

局僧老厭繙經

鄉園夢昨到放生池煙柳綠交楊令宅

楊大令西河宅在池側

雲碧菴謝家祠清景待題詩

鄉園夢昨到驛樓前障眼市塵高百尺關心鄉語別經

年真個說歸田

鄉園夢昨到石橋村高隼欲盤雲外塔神魚時拜竹間

墳松子積臺門

鄉園夢阿弟屢邀呼新築水亭招社燕別營山家葬童

烏猶子明

男近場作達且提壺

鄉園夢好友遞將迎木杪軒中搜逸句竹初庵內證長
生奇論尚縱橫

鄉園夢外舍寂依依榆莢綠迷穿徑水薔薇紅隱上樓
梯花發子規啼

鄉園夢羣從亦翩翩坐我小樓敲句好輪卿長日枕書
眠屋外水周天

前調

抵江南境作

江南地一碧已無塵小市雨晴初試馬長隄星暗乍逢
人猶剩一分春

江南月不厭徹宵看無奈乍圓還乍缺未妨輕暖與輕

寒長凭玉闌干

江南岸屈曲漾蘭橈舊事乍思情漠漠夜程初急雨瀟
瀟已過驛西橋

江南艇鷓鴣與同飛待得柳稍殘月出水禽蹤跡已全
迷留得夜烏啼

江南屋低小只如船一樹石榴初吐艷四更銀燭尚高
然隱隱笛聲穿

江南路從此遂幽尋韓偓艷詞容寄意陽城下考亦其
心別念撫孤琴

江南夢日昨已全醒黃卷誤人頭欲白綠楊窺客眼猶
青閣小戶仍扁

江南客天末溯歸蹤漁唱便須蘆笛和芰衣仍待柳絲
縫鷗鷺且從容

江南侶說著已銷魂松栢徑中尋舊友鵝鴒原上指新
墳尤歎此衰門

江南節屈指已天中絲柳乍青蒲葉綠楊梅初紫杏花
紅水淺試雙龍

虞美人

黃昏獨坐闌干左竹葉深深鎖橫陳玉體見何曾知道
紅窗六月不燒燈夢中麝語愁人覺小婢都辭卻無
聊長自睡曹騰懊惱一鉤殘月鬢邊升

江城子

更生齋餘卷一

七

生疎廊屋幾曾經意忪惺步伶仃偏是半邊團扇有流
螢縱向曲闌深處躲防照見一星星

紅闌干外路三千病懨懨說當年贏得半生憔悴半生
眠只有畫籠鸚鵡好渾不記有從前

采桑子

別來已覺無情緒放了風箏過了清明總向閒門冷巷
行何時約畧三春夢多比流螢少比踈星春睡曹騰

白晝醒

轉應曲

天上天上誰把兩丸安放東西滄海漫漫出沒真如轉
丸丸轉丸轉天也有時不管

明鏡明鏡看了有時仍聽吉祥善事多般頓覺愁顏喜
歡歡喜歡喜儂與鏡兒知己

春夢春夢誰向小窗分送夢中說夢尤疑身外分身絕
奇奇絕奇絕魂共燭花凝結

千里千里只在離人足底別來吳苑花香又復燕臺夜
涼涼夜涼夜酒薄衾單多謝

虞美人

人人愛說芳菲節更愛團圓月箇儂心事獨嬌憨卻喜
花看春半月初三長安道上金貂集青紫容人拾到
來生怕說頭銜只戀年時憔悴舊青衫

昭君怨

更生齋詩餘卷一

八

原是一般年紀可算他作弟記得小名無衆中呼
入夜畫樓先鎖百計要將人躲何意學生踈上頭初

柳梢青

纔睹千秋又邀鬥艸且漫藏鈎衆裏聰明箇中機警格
外溫柔日斜剛下粧樓招女伴更番出遊鳳尾墩邊

鵝毛洲上龍嘴灘頭

西江月

夢裏鶯花繚繞愁中風雨廉纖一般時節症懨懨相對
燭花呵欠小膽疑聞鬼語細心時卜神籤病兒生怕
不增添百計把人排陷

減字木蘭花

乍談心曲何事小名呼小玉彈指年華未比梅花比杏花
最憐同調八字果然生剋肖判與他生自有麻姑
肯玉成

蝶戀花

閒日偶從妝閣偵聞說驚鴻險被袁宗聘私語又防人
竊聽團圞只指隨身鏡情短情長何自定除了今生
更把來生訂一晌遲疑還未應喃喃只說心腸硬

酷相思

贈俠士

日晚黃塵都似織徙倚徧樓南北便四海無家歸未得
一劍也千金直一騎也千金直耻向人前稱羽客况
肯談天釋任醉眼昏昏青轉白天上也誰相識地上也

誰相識

醉春風

好把春衣換更舉離觴勸眼前誰可寄相思算算算指
上先掄心頭久嵌口中難喚合是人天眷莫更情懷
亂個儂只怕太酸寒看看爾許年華這回風格那般
詞翰

羅敷嬌

年來情事誰能識神也瞞他佛也瞞他小婢依微道着
些無端兩地難牽合心在誰家身在誰家夢裏時愁
去路賒

又

秋千架下分頭走，姊住東谿妹住西谿。只望秋千影不
迷，更闌重到秋千下。月也低迷露也低迷，畫索斜拋
烏夜啼。

長相思

風蕭蕭，雨蕭蕭，窗裏無人響玉簫。紗燈壁上搖。夢無
聊，醒無聊，窗外荷珠落亂跳。游魚蹴浪高。

木蘭花慢

秋夜重懋團飄書
屋示蔣二振三

只團飄書屋，仍一片挂斜陽。算杏已摧紅，蘭先殞紫。桂
尚惝黃，悄悄那邊門卷，歎簾衣何短。艸何長，百徧欲尋
歸燕。幾番試問寒蟬。十年羣從半淪亡，頭白剩蕭郎。
縱見了桃根，尋他菱角也費猜詳。平時枕書眠處，是何
人重與擺繩床。酒醒佛燈藏，幔夢回鬼語沿廊。

又太湖縱眺

眼中何所有，三萬頃太湖寬。縱蛟虎縱橫，龍魚出沒也。
把綸竿林威丈人何在，約空中同凭玉闌干。薄醉正愁
消渴，洞庭山橘都酸。更殘黑霧香漫漫，激電閃流丸。
有上界神仙乘風來，往問我平安。思量要栽黃竹，只平
鋪海水幾時乾。歸路欲尋鐵甕，望中隄落銀盤。

念奴嬌

生日東西家

半秋纔過不多時，到了初三新月八字雙飛。胡蝶好生
與菊花同日，剛欲題糕，仍邀說餅，且把書聲，欸齊肩齊。
歲那人先占佳節，猶記七夕樓頭穿鍼，簾底腰瘦頻

頻折知道個儂勤頂禮偏喚小名何必笑靨方開愁眉
更歛梁燕防饒舌燈花解事雙雙紅蕊偷結

菩薩蠻

贈俠客

偶然來預朱門宴身輕只比梁間燕驀地出人頭燈前
尚閃眸 一腔填恨血七首懷中熱座客酒遲乾先防

冷眼看

木蘭花慢

已未中秋內城
南池寓舍作

歎八年此夜移八處看陰晴算幾載持衡雨番入直一
度歸耕西風欲催人老趁乍寒刮得鬢星星已被月中
人笑從今莫更多情 依然薄醉擁桃笙如水玉階平
只三十年前境難依約夢不分明沉思那回塵劫把深

更生齋詩餘卷一

十一

杯都向夜臺傾一例碧虛解事半宵霞采橫生

臨江仙

恭纂高宗純皇帝實錄第一分進
呈擬欲乞假南下偶此書事

人說綠簑青箬好可容仍殿朝班玉堂官燭影闌珊昨
朝書已 奏明日棹當還 天上樓臺曾小住明湖如
帶回環夜涼偏欲夢鄉關屋前雙疊港屋後一堆山

琴調相思引

歸燕

一樣樓臺夕照昏杳無心緒入朱門欲飛還止衝得舊
時恩 差喜故巢同海上好春仍得話溫存倘逢精衛
可許代招魂

減字木蘭花

夜涼人定正好明心同見性一縷茶煙透到梅花小閣

邊 休休莫莫夢好正嫌無着落與我周旋莫鬥眉梢
眼角禪

滿江紅

贈雀三瘦生

十八年前相見在謝家庭院驚一揖玉梅花底與花同
顛葛塢東西山水窟劉綱夫婦神仙眷便匆匆從宦向
湖頭湖冰泮 茗雪上頻開讌荆郢路頻傳箭只悠悠
七載幾曾謀面蔥嶺南頭時入夢蒜山北下仍相見歎
人生聚散總無端空中電

昭君怨

苦雨

窗隙與誰同坐咒雨鴉鵲兩箇兜起卅年愁舊南樓
暫向曲屏高臥夢又把人顛簸睡覺夜燈青影伶仃

滿庭芳

雨窗簡蔣振三昆仲

撇卻千山行完萬水偶來茅屋勾留又教聽雨日日捲
簾鈎畢竟誰人過訪三兩客兼雜鳴鳩門扁響奚奴睡
熟親爲點茶甌 颼颼風乍急紙窗搖動無異扁舟擬
乘流徑去隨分清遊東海波臣尚笑曾見汝大漠西頭
祁連家何時築就埋骨此荒丘

念奴嬌

元夕醉中復至城東懋異宮樓

餘生何意擘蠻牋重寫孝侯風土醉我百杯元夕酒更
聽一堂簫鼓我醉還歌歌仍引滿說盡邊亭苦妻孥雨
泣去年投畀豺虎 殘夜出戶閒行城門東去彌望多
平楚一領綠簑收拾好恰稱漏湖漁父踏曲歸來兒童

指我睂目皆飛舞爲言此客與樓與月千古

前調 錢竹初松菊猶存圖

十年歸計只剛剛長就滿籬松菊買得半園工位置儘
可賞心娛目忽悟浮生因求大藥并禮西天竺回頭自
望鬢毛鏡裏先禿 差幸服食祈年迷途未遠末路仍
堪贖莫待扁盧俱束手醫雅難于醫俗一逕香清一簾
花好一味茶初熟這回休誤白駒頭上行速

因而自省笑先生曷不工于責已萬里歸來行樂好何
以埋頭不起幾尺牙籤三分燈影一寸書堆几蠹魚規
客先生今盍休矣 倘冀後世名乎三唐兩漢試問誰

堪擬況是傳人皆有命不朽古來能幾文仿淵雲經研

更生齋詩餘卷一

十三

鄭賈詩筆還蘇李君應誚我愚公愚更無比

沁園春

喜趙味辛乞假歸里卽送之
青州司馬新任依原調二首

司馬江州從事青州頭銜若斯歎機庭綸閣鳳池遽奪
治中別駕驥足安施竿上綠魚磨中旋蟻可是先生宦
興詩呼驢問儘才堪令僕汝好爲之 雖然樂已難支
只白髮高堂健飯時算阿奴碌碌無慙令弟深源咄咄
尚有佳兒跨鳳清才乘鸞仙客 君諸婿皆
有才名 都唱微雲山
抹詞掀髯笑趁唐灣風月且倒金卮

三十年前稱詩少年惟君不狂看元卿三徑招邀二仲

謂黃仲則
左仲甫 宏農別館欵接他楊 楊介社蔚之元之叔姪
少時過從最密西廬則
系出山陰故
以他楊例之 陌上班騅堤邊畫舫新樣蠻箋古錦囊今

消歇已半登鬼錄半下名場 別來萬里投荒幸絕域
初歸鬢乍蒼便依然花鳥何時索笑依然樓閣何地傾
觴蔥嶺煙雲祁連冰雪夢裏都憐徹骨涼君知我是愁
多易老

恩重難償

金縷曲

題萬大令廉山請纓圖圖作于大令年十五時
後二十年大令隨畢秋帆尚書姜杜香侍郎勦
辰州紅苗
寂著勞績

此客真先識趁升平時時留覽九邊阨塞試問請纓何
太早髮正垂垂覆額天下事引爲己責手理韜鈴仍躍
馬果湖湘隄建非常績勳勦徧壺頭石 丈夫自信饒
奇策況生平服膺所在劉琨祖逖如許少年能十輩分
置楚南川北談笑盡萑苻之澤只我感

更生齋詩餘卷一

十四

恩思効死便歸耕尚枕投荒戟隨爾去殺殘賊
鷓鴣天

秋杪雲
溪曉望

谿光未是廿年先一樣闌干到眼前風急萬鴉爭古木
露寒獨鶴舞長天 情漠漠淚綿綿舊家仍倚白雲邊
尋春去問堂前柳破夢來穿渡口煙

滿江紅

中秋夕雨

竊海歸來正盼望此年此夜還準擬半宵燈市半宵水
榭三徑久憑風伯掃萬錢欲向天公借更持螯左手右
持盃人閒暇 雲驟暗重簾罅雷驟起層檐下忽蕭蕭
瑟瑟瓦溝如瀉移樹鵲驚巢乍圯走橋人嬾粧先卸歎

街泥滑處約良朋稱多謝

西江月

九月初七日
雨窗遣悶

門外愁霖似潑帳中清淚同揮一年多事上心來不飲
已防先醉 明歲重陽何處去年此夕方歸人言死別
復生回今日正當周歲

鵲橋仙

日斜時候日斜年紀又是日斜風味斷腸言語不須多
況正值斷腸天氣 前宵牢記昨宵牢記此夜更須牢
記半生最怕說銷魂敢再到銷魂田地

江城子

柳絲南北罩通津水波勻月痕新卻到晏公祠畔暫遶
巡偏是畫船紅燭影頻照見夢中身

又

播錢堂上記還真是穠春是花晨依約別來如影復如
塵安得學他雙燕子來與去不隨人

壺中天

和女史歸佩珊韻卽
寄令叔方伯伊犁

從天試問恁詞華只付掃眉才子百歲含愁容易過經
得幾番彈指未盡名心先拋世味且復營書史回看海
水比來清淺如此 猶憶絕塞歸來君家癡叔憔悴何
能死寥落雁鴻千萬里憑寄阿兄數紙并說中閨尤憐
嬌女詩思清如水比來相見怪他風味都似

又

贈僧鐵舟

浮生如夢記念念滬瀆城邊小別石爛海枯重握手相
對各驚華髮瓶鉢隨身才名蓋世詩畫書三絕鋼經百
鍊鐵丹果否如鐵 今日短簿祠前長洲苑外客路將
鋪雪一領袈裟渾欲破賣字依然得活極目天南關心
鄉國鞞鼓聲纔歇何時飛渡醉眠黃雀樓月簡漢陽人
浣溪紗

病後般般總率真見時故故不溫存已教銷盡昨宵魂
開士心情居退院美人顏色賦長門年來偏重過時

人

鷓鴣天

百罰深杯總不辭忽從酒半透微詞前房阿母都瞞卻

只許青溪小妹知 重攬鏡更添衣衆中偏覺語支離

不知天上頻攜手故說人間會面稀

臨江仙

六月二十日詣學宮觀諸生釋菜并登尊經閣遠望

憶向校官稱弟子春秋祀屢追陪仲丁六十又三回舊
題名已暗明倫堂有進士舉貢題名余皆預焉親爲拂塵埃 尋徧講堂

兼學舍兩株列栢誰栽尊經高閣暫時開青衫皆後進

紫燕亦新來

浪淘沙

壬戌中秋夜起望月不見時在洋川書院

纔歇雨冥濛月甚朦朧玉堦處處有吟蟲咫尺好山都
不見說是秋中 少壯去如風老尚飄蓬別家還喜住

江東金粟玉簪開已徧閒卻簾櫳

舍間廳事側多此二花

蘇幕遮

醉題焦山
月波臺

屋禪關樓法界十仞高臺更在危樓外奇氣尚能除百
怪穩坐蒲團且受江豚拜 舉杯遲吟句快乞篆題繚
總仗孤僧介一日已償詩畫債興來不學前人派

瀟湘夜雨

汪秀才次玉屬題夜意圖時余悼
亡日近與君同病復率賦此寄意

悟徹前因銷磨塵劫又來樓上孤眠微黃燈影鏡臺偏
聲慘慘寺鐘初動光黯黯簾幕斜褰無聊境我方匝月
君已三年 兩愁相校望夫山外愁更堪憐只投荒歸
口病正纏綿渾欲訴金戈鐵馬念誰禁激管哀絃忘情
好他時同穴百歲鎮隨肩

八聲甘州

夢亡婦

更生齋詩餘卷一

七

向空房盡處瓦燈昏缺月影橫陳算傷離感逝殘冬既
爾何況經春打疊半牀衾枕時爲拂纖塵奩鏡都安好
與照歸魂 畢竟瞞卿何事只夜臺相值問尚殷勤歎
襄王孤館久已斷行雲想關千東西十二便夢回總欲
一周巡梅花句從今不賦防要含聲

前調

常熟訪吳洞
部竹橋賦贈

又匆匆扶醉入山城雪意釀寒更算玉芝堂朽赤厓閣
圮紅豆莊傾今日劍門吾谷都已屬先生壓徧江南北
壇坵崢嶸 小弟頭銜一品但才名艷絕似遜難兄羨
盈門弟子分目門心兵更傳聞量才只好隔絳帷親授
與雲英憑誰有平生奇福來入詩盟

小重山

夢不分明醒可憐小樓簾半卷月初弦喘聲低緩髻斜
偏朦朧坐誤認卜金錢 衾薄忍添綿舊曾揮淚處錦
仍鮮擁來都恨夜如年無眠客今轉羨長眠

如夢令

十三日侵曉
過碧浪湖

龍氣出波冉冉鴻鷺鷥絲皆閃海日未升時幾片斷霞
如斬休喊休喊驚破一羣鵝膽

剩得曉星數顆芒角出同諫果尚未破天光水碧盡將
魚裏孤坐孤坐千尺浪中一我

菩薩蠻

十四夜過
南灣鎮

高高下下游鱗繞侵人不已侵巢鳥一碧作魚天空明
不起煙 東西樓似織出水高千尺玉手盡垂空長廊

接斷虹

減字木蘭花

十五日五鼓
過平望湖

偶開窗扇破曙鵲聲波上亂百頃湖光捲上先生六尺
牀 雪花難集倔強水蟲多不整落月團團東海魚龍

尚愛看

昭君怨

吳江道
中夜行

惹得夜烏難住萬點鬼燐穿樹似復有人行散如星
鷓鴣鷺絲屬玉齊傍水仙祠宿宵半忽爭鳴學巡更

清平樂

湖中
迷道

風風雨雨且向前湖去欲問來船船不遇進退總愁無

據 忽然香氣縱橫半空舉手將迎岳瀆貴神抗禮算
來只有書生

浣溪紗

萬頃橋

萬頃湖頭萬頃橋雨叢煙柳共飄搖水從天外綠周遭
宿火照將鴻雁暝曉霞烘得鷺絲驕是誰來伴客無

聊

鳳樓梧

戊子秋杪至虞山赴邵先生荀慈之喪時亮吉結禱甫三日今復以事來遊則距悼亡日甚迺也感而賦此

憶昔來遊才合卺新婦三朝尚向紗帷隱小別乍歸爲
整鬢對人言語尤奇窘 三十三年眞轉瞬未比松筠
早向深秋殞紅豆莊前紅淚隕回途魂已銷將盡

虞美人

寶帶橋

更生齋詩餘卷一

十九

蒲帆過盡危橋百徑縱無千尺便將蟬螻風成梁只惜
都無寶帶一般長 泠泠橋外光如電雲朶裁成片頃
傳三萬六千寬聞說眞仙不教放漁竿

憶秦娥

殘冬甚暖夏蟲並出感而賦此

羊裘熱營營案上蠅聲出蠅聲出醉螿當漉凍魚須徹
煤連藥債都應逼商量艸艸營除夕營除夕年年共

命此年獨活

清平樂

孫解元子瀟屬題雙紅豆卷子

夢回永晝滿地春光斲半領綠衫花氣透胡蝶趁香來
暝 文窗特與丁寧東風格外垂青欲配一雙紅豆除

非天上雙星

浪淘沙

夢入小紅扉露灑簾衣鏡奩殘月影微微偏是獨眠人
帳外胡蝶雙飛小膽更多疑怕踏層梯畫屏深處認
依稀七尺紫檀香案上誰共扶乣

前調

斜照鬼門關落月彎環夜臺可有望夫山生怕瘦魂扶
不上添箇紅闌推枕溺初殘朱淚斑斑寒宵何止夢
能還地下若無理恨處仍到人閒

十六字令

拚厯徧長廊耐曉寒梅花瘦不厭百回看

更生齋詩餘卷一

十一

聽一雁寥寥下遠汀荒寒境月黑鬼燈青

休斷送春人不上樓三更夢和月挂簾鉤

遲已是踈鐘報曉時山禽影蔽蔽落高枝

念奴嬌

未至常熟四十
里值大風雨

三更向盡忽驚呼飛去蓋頭竹笠鐵馬金戈聲乍沸波
峭半篙難入絕壑魚龍陰厓神鬼空處通呼吸拚蓬起
望一湖湖水全立只有卅里遙程前舟顛簸側搶回
須急病羽樓頭秋蟲砌下纔復商量螿愁人無寐殘宵

短夢千摺

水調歌頭

自吳江常熟回
舟欲至婁上作

性旣不談釋又不學神仙半生纔一彈指何苦慕長年

卿自埋憂地下我欲寄愁天上索醉向雲閒自有十洲
客供我入方錢 胥江口雪溪畔尚湖邊回頭三十三
載舊事散如煙昔日蘆簾紙閣今日梅花紙帳清冷耐
孤眠短夢乍回處殘月影床前

前調

偶厭玉虛住屈作世閒人人生誰寂快意良夜與良辰
我欲花開地下更使水流天上耳目一番新倘荷化工
允寧懼俗流嗔 又誰願朝列闕叩羣真百年三萬多
日臥足幾回伸九野分鋪列宿五岳填平四海從此罷
揚塵萬事等閒耳無鬼亦無神

點絳脣

題折枝
圖贈友

更生齋詩餘卷一

三

遠恨新愁半春已覺難消受海棠花瘦鷓鴣雙雙咒

十二紅闌春氣應全透關心否鶯前燕後定有人垂手

賣花聲

過三义河
贈練塘僧

洲樣亦如瓜淺泊江沙二分月已透窗紗留得雪泥鴻
爪影都爲梅花 稍遠市樓譁港到三义山僧親爲煮

山茶白髮一龕忘世久與證年華

浣溪紗

梨花和金
手山秀才

一棹春遊蘇小家紅紅紫紫信方賒玉闌干外幾枝斜
仙子衣裳原縞素美人顏色本空花淡雲流水證年

華

望江南

過京口訪駱佩香
女史率成二首

忘世事只有桂蘭香焚得一爐煙未燼萬帆門外去來

忙吟客鬢都蒼

陽湖洪亮吉著

淒冷處招得女生徒

女徒殷姓其姊為故尚書和琳側室琳死姊以身殉其妹流落無歸

因依佩香以居

桃李盛時顏宋莫海山佳處語模糊猶憶故尚

書雨絲煙湖上道夢裏年華深淺誰知道天上玉梅開

過了又教人世東風早春事及今偏艸艸有分披圖

月與花枝小獸立數峯吟句峭乾坤分半輪裏抱

鷓鴣天

學畫敲詩興轉闌更從花裏響銅環雕籠出語偏生脆

誰遣鸚哥課小蠻顏冷落致闌珊萬重密意總相關

鄰家姊妹邀同坐說夢先消春晝閒

更生齋詩餘卷二

蝶戀花 題畫 陽湖洪亮吉著

機聲燈影詞

蝶戀花 題畫

絲雨絲煙湖上道 夢裏年華深淺誰知道 天上玉梅開

過了又教人世東 風早 春事及今偏艸艸有分披圖

月與花枝小獸立 數峯吟句峭乾坤分半輪 裏抱

鷓鴣天

學畫敲詩興轉關 更從花裏響銅環 雕籠出語偏生脆

翻遣鸚哥課小蠻 顏冷落致關珊 萬重密意總相關

鄰家姊妹邀同坐 說夢先消春晝閒

更生齋詩餘卷二

一

點絳脣 春病

隔箇紅窻強將八字排來看 自憐魂斷欲把他生算

支枕應難且復憑 詩案誰相伴 喘聲低緩虧得鸚哥喚

風入松 題春山 獨往圖

翛然一境迥難攀 幾家人住谿灣 踈籬敗壁憑誰補 借

亭亭隔岸青山小 史亂頭粗服先生雨笠雲衫 生綃

忽破酒人顏清夢 置其閒谿塘正好營高閣待他時風

月人還仲蔚蓬蒿須補劉安鷄犬都刪

醜奴兒令

海棠小院春深見 一晌難描千種無聊容 易將人挂眼

梢 低徊不解傷春句 一卷離騷纖手難拋 自把蠅頭

小字鈔

紅林擒近

紅錦香猶淺白閒春正長睡起懶無事鬢花碍釵梁春
衫攜來早皺呼小婢熨沉香屈指挑菜年光待畫艇尋
芳麗句傳鸚母名絲繡雁娘妝樓無事鏡邊夏展縹
緗算傷春未敢閒愁無據背人私自禱海棠

點絳脣

送春

又是春殘海棠花外游絲亂淚珠成串待把年光換
惜別匆匆鎮倚閒庭院闌干畔綠愁紅怨約畧傷春券

漁家傲

題陳野航畫竹

午餘睡起茶初熟一竿愛寫玲瓏玉葉葉枝枝濃淡各

更生齋詩餘卷二

二

還須屬三更窻外秋聲莫娟娟穩稱輕綃薄圖成好
置闌干角待得晚涼新雨足天如沐月痕倒挂梢頭綠
酒泉子

驀地行來一樹好花離地出雕闌排玉砌陟瓊臺 四

更玉笛聲三弄肩上海華堆重與雲飛隨月上逐風回

探春令

題侍女屏風

晚妝初罷怯春寒約伴花閒步正一縷愁來無著處把
十三絃偷訴玉簫斜倚林閒路想個儂丰度到宵深

霜月空濛錯認作梅花幾樹

醉桃源

前題

薰風池閣簾微亞日暖豪犀偷卸行到綠沉窻下一樹

榴花謝 滿樽蒲酒人初暇
結伴消他長夏采戲又還
輸卻些事關心者

紅窻聽

前題

一院飛花空白晝
看結束春弓閒走隄畔盈盈堆絮厚
觀得鞦韆帮瘦 簾幕深深垂錦繡
闌干外總燒金獸昨
宵霜冷今宵風驟屈指剛三九

買陂塘

題錢孝廉樹川
鸚鵡媒傳奇

爲多情青衫血淚生生判向愁老冰絃誰把傷心譜又
早別懷縈擾幽會巧君不見茫茫碧落相思鳥芳心寸
拗待密約重圓愁盟暗續一一淚珠繳 銷魂處我亦
青鸞信杳年來暗損懷抱江南江北傷春恨付與斷腸
衰艸辜負了是舊日金釵鈿盒情多少閒愁待掃又一
兩三聲無端逗起清夢隔簾悄

河濱神

迷藏

遊戲共登壇窄靴小袖衣單身輕總欲避遮攔空裏時
時指彈 同是曲欄何處躲慧心先向偏左女伴盡皆
藏過百忙何苦尋我

清平樂

楊花凭早不待春歸了可惜玉人渾未曉逗點與他知
道 晝長人倦敲詩畫屏一枕閒支睡覺數聲搏黍消
他春日遲遲

點絳脣

花事關心東風吹到荼蘼架燕兒多謝呪得春成夏
不放春歸斜日簾微亞秋千下游絲無賴又向荷錢惹
鵲橋仙

玉鉤響斷玉簫聲斷更苦玉人音斷清明上已總無聊
欲飛去晴江南岸小園春半小窗月半尤喜小樓天
半黃鶯紫燕不曾來只蝶煉與人作伴

望江南

幽夢破斜倚小紅樓又是卷簾人不見滿街絲雨糝春
愁綠暗幾重流

昭君怨

江行

帶得綠鬟鐵笛消受短篷秋月帆影入江流小于鷗

金齋詩餘卷二

四

目極楚天遙甸潮接海門如線一點着林梢是金焦

減字木蘭花

垂垂一樹曾見個儂珍重處已分成陰頭白蕭郎恐不
禁還憐飛絮一樣東風飄泊去郎已沾泥莫趁流鶯
是處飛

相見歡

夢中作

無端踏卻輕鷗共清遊夢裏居然東海向西流雲中
屨風中燵不能收幸喜天鷄初叫始回頭

一叢花

林禽喚我作春遊煙景逼南州藍輿卸處幽吟好尋樽
話又引閒愁無事銜盃有山埋骨此外總悠悠消沉

白了少年頭青鏡惜風流江山勝處余歸也等幾度白
玉成樓悟徹孤花彫殘心字春總不如秋

青玉案

十三夜
玩月

蕩屣至把細梅染看靜裏簾斜捲追取十年前事轉亭
涼月暗漏深花滿兩兩傷春券如今細雨沿門糝幾
陣落紅愁欲浣鐵笛五更吹更慘任他風雨任他憔悴
再也無人管

千秋歲

瓶梅

春來心性花與人同命香未拆愁先迸一枝聊供汝五
夜誰相訊最好是百花頭上懨懨病晝永寒先警骨
冷魂尤勁花總謝香難並幾絲芳意織一瓣心香永拚
得是閉門風雨無人省

買坡塘

邵二雲姚
江歸棹圖

黯然歸一肩行李春風不遣人住姚江雙漿悠悠去去
也更休回顧天意苦要汝是名山夜雨成千古功名射
虎只亘亘平生才皆中下李蔡豈君伍當年事千佛
名經曾數一枝原最高處衫青袍紫都閑物惹我酒閒
起舞君莫誤君尚有數椽茅屋秋風浦萍蹤語汝恐又
引先生酒闌燈炮清泪滴殘炷

天仙子

溪上鷺絲忙報客玉人遣透春消息怔忡栢送已嫌遲
無可說祇相憶門外漏潮千頃碧

蝶戀花

落梅

白白紅紅開未止一擲孤標卽兆飄零始如此人生剛
半世問年一樣輸餘子 入夜春愁爲剪紙屬汝重來
休昧初來旨多分柔魂猶在水五更吟斷梅花詠

又

窗外游絲空復漾十見花殘那得人無恙莫向酒閒矜
跌宕春風已把飛瓊葬 花未開時愁已釀寄語桃根
春到休輕放人世有情還有障招魂供汝青綾帳

賣花聲

獨客正思家到曉啼鴉灑窻寒雨又如麻不放南枝開
到好春有些差 客裏事堪嗟似錦年華幾人紅泪隔

窻紗燕子平生眞恨事不見梅花

倦尋芳

春星

寂寥銀闕怪底瓊妃媵他數個三五春宵可許玉階同
坐人說高寒應讓汝九重天上還難妥咲風詩只咏到
衾裯被他喚做 也知我殷勤看爾駐向樓頭幾番難
過錦樣連錢一例被風吹墮仙掌夜過防暗擗月盤露
冷愁輕簾寄新詩先問汝點頭也麼

荷葉杯

病到幾番委頓誰問曲闌旁畫眉頻喚不能住猜是甚
心腸

蝶戀花

啼鴉和
仲則

艸繡平堤花繡樹如此江南隻影堪飛度畢竟塵情猶未悟雨晴簾角聞呼侶倚樹鷓鴣爭笑汝三度營巢依舊無家住幾日酒痕兼墨汚樓頭催澣春袍袴

前題

鷓鴣

莫向天涯棲苦竹只遇啼鶻歸計須頻屬望帝愁魂魂已續此閒樂亦應思蜀何事啼聲常傍屋解喚哥哥引起春人獨花到黃陵千度落這回尚憶詩人谷

憶秦娥

春時節春人住處春光別春光別膩紅花朵膩黃新月濛濛膩綠千條結樓梯欲上愁三折愁三折文簫聲動剪刀聲歇

柳梢青

新柳次高東井韻

向曉層巒將煙做霧釀雨成寒鬢綠衫青眉長眼瘦于女何干一枝折了重看怪徹底春愁總諧柳宿前身

萍花再世我亦差堪

沁園春

題萬黍雜持籌握算圖

儒林傳即貨殖傳即君因併書嘆百不如人一籌還展

十嘗九誤些子都輸業可拋經讀宜從律且把蒼生經濟儲他年看看致君事了更累錙銖滿盤算了還虛怕仰屋他年更苦劬只田從玉局須求陽羨家從杜牧更創吾廬我謂先生歸謀之婦料理牀頭阿堵鋪先生笑有五銖七幣盍往觀乎

摘得新

難得來休教到便回屋頭雙喜鵲久徘徊紅窗故啄墮
青梅勸銜杯

玉珥墜金環

晝永窻虛嫩寒先把花朝做幾番凝恨上重樓樓又教
人鎖長自雨篩風簸把春陰當成功課沉思往事判盡
浮名換他眞個寂寞深園小桃也肯留人坐細拈春
夢寫春愁夢又將人躲知道枕衾孤臥算風光幾曾到
我年華誤盡到了今番更教難安

東風第一枝

桃花

團圞成花搓煙做骨商量不遣春瘦幾番醉了重蘇依
然十三時候前塵誤汝應一例向風回首笑無端占了
珠簾肯放玉人垂手只花也憐人非舊問此度探春
何後籛錢堂上重來不似那時清晝芳心易逗算薄命
永供人咒待拈他花片絨來付汝一春消受

八聲甘州

又西風吹雨上空樓點點雜更聲正涼隨雁至宵同燭
永夢與年更十二鏡雲何處江館聽吹笙多分樓前約
不記啼鶯一半塵封玉鎖看碧紗籠處墨雨縱橫只
蠻箋消息何事苦難憑想蕭郎傷春恁遠料夢魂逗不
上銀屏須知我青衫泪濕不爲浮名

南鄉子

自雲溪放舟
至青山莊

藥王廟晏公祠北關剛值午晴時
三折水程欣已到都
贊好門外水田門內沼

花塢曲月廊周半塘煙雨幾時收
百步小橋隨鶴過
久坐翡翠北軒晴日墮

長亭怨慢

蟹

猛霜風漸肥郭索是處橙香薦他黃玉記得年時酒徒
醉月小樓曲深盃浮綠墜地向天公祝臣願把浮名都
付與蟹螯添足稻熟漸燈明深港慘破一溪寒綠鱸
魚便美怎占得九秋名目第一是左手須閒怕明日故
人相速只紫蛤紅螺風味幾堪作僕

金縷曲

寒夜重光齋頭看秋海棠因言前曾于花下掘得古銅發之儼內妝宮嬪也余感其事因併賦

東生齋詩餘卷二

九

之嬪蓋齊梁時宮人云

燭冷人初醒正虛廊角聲吹徹商聲又警籬落寒花開
自好露點欲斜仍整粧慘淡玉人微病不向春園誇勝
事伴艸根菜甲三秋永其下有波如鏡千年舊事思量
量猛被西風吹將世換泪珠紅併一半齊梁遺蹟在漠
漠土花填井待說與古懷誰省落月微黃天乍曙向闌
干逗出銷魂影重認取劫灰冷

玉燭新

窺簾新月小卻數朶花枝照人寒峭新詩寄與雙環巧
故把幽期漏了文鴛堆枕密意取夜香薰好又早是玉
漏星星門前乳鴉啼曉紅箋付與殷勤只此恨平分

幾時堪繳歸期及早重到也不是玉簫年少萍浮絮裊
試逗點與他知道須記取錦瑟年華暗中易老

鶯啼序

關神武廟後有隙地里人別
搆諸葛忠武祠落成謹賦

丞相祠堂看古栢陰陰翠繞重來處一瓣名香空裡晴
絲自裊黃石兵書吾懶讀青田洞府愁難到只先生志
業今古幾人同調憑高回首炎精中燼天意殊難曉
聞說定軍山下翠羽靈旗山昏月黑鼓聲猶惱陰平貽
悞夔門敗踵滿盤都錯何須說更譙周黃皓知幾早相
隣壯繆遺祠未了忠心此時重表茲地當年紫髯虎
踞更周郎年少柰江山數著殘棋着手便教輸了把荆
梁十郡名區輪織屨小兒坐嘯尚躊躇北定中原南清
江島當途高也往日紛紛割據算曹瞞尤狡匹馬過
秦中早鷄筍全拋虎鬚重燎中幙謀臣彈碁冑子一揮
羽扇愁俱倒只遺恨在五原秋艸十年深計擬將赤帝
關河重藉手還高廟

法駕導引

補赤城韓
夫人詞

天上樂天上樂博戲更藏鈎怪底燭龍呼不醒兩丸日
月覆金甌螢火照清秋

雲漠漠雲漠漠飛渡赤城梁摘取列星歸北斗倒傾銀
漢入西江天闕費平章

銀漢畔銀漢畔織女起高樓玉作簾衣花作座海雲爲
佩月爲兜縹緲坐牽牛

偕勝侶偕勝侶仙閣坐虛無一賦玉樓猶未竟人間甲子總模糊長爪比麻姑

點絳脣

次黃仲則韵

尺五荒墳小桃一樹傷心艷寄將花片沒個人兒便芳艸多情引他歸騎尋教遍糝糊見月殘如線霧隱傷春面

如夢令

簾外日遲風簸簾內粉消香灑未慣是檇蒲輪了更拋金鎖還我還我莫被小鬟猜破

摸魚兒

清風亭故址

又斜陽晚林一抹天空飛破歸鳥危亭覓遍蓬篙徑咫

更生齋詩餘卷二

十一

尺謝家山到吟未了算好景如前好句還輸眺初三月早看一縷吟魂寒鴉爭瘦逗去碧波小當年事此地放歌孤嘯狂來幾側烏帽詩名天地成何補身後一椽誰保吟愈峭把長句風前漫博先生笑思君欲老怕騎鶴還來此間亭上留得醉中艸

青玉案

過凌敲臺故址

凌敲臺剩荒基也雨洗石苔侵瓦到日短衣尋客譚庚郎年少衆中爭羨不醉看盤馬孤城隄築寒山鱗城裏猶聞暮潮打休怪客愁容易惹那邊人語者邊雁叫月照荒荒野

減蘭

聞遊采石早起披衣看曙色不敢窺簷鳥鵲南枝夢正
甜酒衫芒屨二十男兒工跳躍一縷吟魂先向風前
逗早春

金縷曲

清風亭
夢李白

天與人俱老又何爲一千年後此間憑弔一半江山歸
李白一半分還謝眺我到也祇餘衰艸畢竟微軀容易
盡覓些須身後名纔好勤打疊零星藁青衫百計供
人笑只悠悠非公知我恨和誰告金粟前身真小劫墮
作五湖年少有夢也不離蓬島猛憶人生何者是只浮
雲偶寄孤飛鳥殘夢破余歸了

前調

再次江
劍潭韻

更生齋詩餘卷二

十二

花是明朝放只萋萋滿城芳艸已供凝望多病年時誰
付與綠酒紅愁同量且小立雨中惆悵若許鶯花還再
世拉春人早向春風葬簾蒜揭心旌蕩樓高總伴閒
雲上有當年鏡盟衫誓遂懷琴况可惜韶光都健在春
到也須微恙莫輸與個儂門巷我比絮泥心更定背天
桃穩坐青綾帳塵夢覺釵鈿響

前調

蠟屐嫌疎放任些時殘紅剩紫幾曾凝望廿載可憐青
鬢改江水未勝愁量春付與別人惆悵我慕靈魚能再
死趁餘香好伴殘編葬渾未管流鶯蕩聽歌人在青
雲上只年時招邀勝侶尚壘游况杜牧揚州人已換只

有月還無恙，照慘慘幾家門。巷尺五桃潭，三徑艸蕪心。
香供汝，青綾帳添一綫春潮響。

前調

倒次汪劍潭韻

夢遠金鈴響，正無聊紅窻睡足，倚帷牽帳羅襪閒行。花
露重，頗怯曉風深。蒼渾悟到玉人春，惹薄酒多愁，眠易
醒。問樓高更有何情況，梯隱約難重上。傷春早怕春
飄蕩，把泥金書成梵字，伴花同葬。一例有情應解取，花
也對人惆悵。已開滿十分春量，此度見花應背面，誤入
人簾底。三年望屬來歲休輕放。

醉花陰

爲孫大和婦王采薇韻

日午翹塵何處避，斷粉零紅且自由。天地三十年華愁

更生齋詩餘卷一

十三

也未不回頭負春人意，情到九原須更記骨冷灰飛。
灰冷情還賦，幽夢壓簾魂壓被。醉醒怕沒絲兒氣。
浪淘沙

路遠小樓低，花朵分飛依然銜恨上。重梯何止舊人尋，
不見梁燕都非。愁裏闌窻扉殘月，剛西畫簾風破鏡。
臺欵只有曲屏風，六扇猶罩羅衣。

點絳脣

門艸歸來一窻好夢，非無據筆床茶具，且復安排預。
強自支持鬼病，終難愈誰來覩。藥爐煙畔，只有風飄絮。
憶王孫

山坳池閣水邊樓，一雨銀塘便覺秋。長日無人掉小舟。

水分流胡蝶闌來立鴨頭

青玉案

算來未到銷魂地偏是識愁滋味欲寫紅箋珍重寄隨
肩小妹隨身小婢多恐難回避慢垂不放通花氣又
早早斜陽把門閉莫道文窗蹤跡祕黃鶯紫燕畫眉百
舌箇箇知人意

浣溪沙二首

玉腕偏憐金釧寬鳳釵頻撥獸煙寒萬重心事壓闌干
杜牧已留來世約蕭郎不作路人看雖然猶覺恨無

端

前調

更生齋詩餘卷二

十四

背面難禁萬種愁見時無語只凝眸初陽一綫下簾鉤
百計未能通一語暫時曾許共扁舟淚痕和露咽心
頭

傷春怨

劍客

七首飛將過到處人頭疑墮日昨詣叢祠土偶居然離
坐旋空中如磨電影終難挫驀地指晴空一道采虹
中破

金縷曲

僮窺園從子八年矣體弱善病今年予秋試被落忽
爾辭去念事傷離不能無作命沽酒歌此調以送之
衣薄還如紙寂寞涼前宵瑁璫今宵送爾八載追隨無

別事傷病傷離傷死總誤爾朝飢飲水苦訪蟲魚摩絮
籀但論才爾便成佳士休更作朱門使無家我共僧
居寺只蕭蕭寒雲丙舍尚堪南指入夢總從吾父母醒
處怕逢妻子況薄命以無人齒明日出門誰念我就飄
蓬斷梗而行止爾去矣淚流駛

前調

重九日陶然亭作

車馬長安道有誰憐中秋雨暗重陽花少尺五開亭三
徑柳亭徑尚餘秋艸更難得紅塵似掃半舫斜陽新月
影借團蒲穩夢仙入島算懷抱此時好玉山莫向壚
前倒只空囊俸錢難假酒錢輸了門外鍾聲催客去衣
上薄寒清峭料理是舖糟代飽無數樓臺凝醉眼訝離
頭果大星辰小歸尚有未棲鳥

前調

憶得前詞泣不忍去復成此闋

暗裏驚聞泣一聲聲無端惹我青衫又濕多病經旬誰
得似欲共候蟲秋蟄爾似燕舊巢還入典盡衣裘頻擁
絮更同扶瘦影當風立渾不怕霜華襲八年侍我肩
差及笑囊空新詩屢付傭錢未給費爾一杯村落酒爲
我解除狂習說月好今宵初十樓上三更雲氣淨看星
辰如豆天如笠吟正遠催歸急

青玉案

十一日同人飲長安酒樓

臨街樓上冷泠語醪味薄催添糲一院酒人揮不去持
螯手冷潑醅顏熱繞著篷吟句臨街樓外疎疎樹已

覺秋聲落無數一院酒人招不住來時天慘去時月暗
繞著城徒步

憶秦娥

寄季仇

鍾已動一聲破我長安夢長安夢世情未了鬢絲先種
書乍捧故人遲我華陽洞華陽洞丹沙填壙碧山成

豕

浣溪紗

薄暝微醺枕酒瓢病心一縷逐風搖夢無來歷入鴉巢
初八夜星還照曉十三涼月卻終宵瘦魂尤避出林

鷓鴣

買坡塘

送繆公子筮
莊至江浦

夏承壽詩餘卷二

十六

趁霜風沿林飛徧巢荒去住無據雁聲卻有東歸信切
莫更留征羽淒燕語道千里同來千里應同去霜鴻未
許算我願隨陽卿尤避熱各自歎羈旅天涯路來日
風風雨雨別離頓起愁緒江南兄弟誰能健羨爾雁行
有序須記取只紫塞重逢可識前時侶天空欲舉穩待
爾重來春風三月共看滿林絮

漁家傲

宣武坊前清酒美多錢約客誰來會日午闌窻人似海
孤劍在萬金難買心無愧畢竟浮名猶可待少年莫
學呈身鏡鼎鼎百年君誤再棺已蓋幾時贖取從頭悔

一蓼紅

蕘孝廉克一寓居晉陽鹿側因
屬余顏其齋曰聞鐘并係以詞

傍禪關構開亭似舫四面放疎櫺十五良宵一雙人影
三千里外鐘聲有多少春人心事柰秋窻黃葉已先零
借了葡團繙殘梵頁悟徹鐙檠我亦能來聽此只青
衫似夢百倍淒清苦竹疎蘆幽花淡艸此身如在江城
況惹起寒蟲鳴砌又丁丁連漏滴殘更待得蕭齋響寂
入語還生

摸魚子

龔克一邀遊夕照庵
卽展其令弟紫樹殯

正無衣墟頭索醉油車忽引君到愁中天氣還如霧咫
尺遠山舒眺煙柳道算怕是逢人只是逢僧好無多落
照但挂近禪房和將夕磬便有暮雅叫荆高市酒人
一樣潦倒塵沙理盡年少江干舊侶今誰在癸巳秋予
與劍潭紫

東坡詩餘卷二

十七

樹同客姑孰
至宣城始別

可惜龔生竟天渾未料看冠蓋如雲更有

閒人弔高原古廟但肯費茶瓜時時欸客我輩不須召
荷葉杯自夕照庵步
至萬柳塘

三里望中依約樓角亭館太荒蕪萬株楊柳一行無風
急戰菰蘆林際黑歸一片雅點隔寺暮鐘聞寂寥城
上去閒雲雲薄帶斜曛

小重山

舊日紅闌已作薪玉蘭花滿樹曬春裙經過燕子亦嫌
貧呢喃語故故入西鄰寂寞掩重門小樓三面暗易
斜曛屏風吹淨十年塵中還有兩小舊啼痕

謁金門

送龔曉升南歸卽題
其長松片石行幃

歸亦得卷裏天青雲白不誤今宵歸計決誤前時爲客
屋三閒醒夢適何止長松片石七十二峯晴厯厯在

先生窻隙

將至仙遊潭迷路

馬獨來南山麓崖上石樓纔一閒推門且抱神龕宿

玉女泉清無極雲外木魚聲不停三更月向東峯直

臨江仙

溪山秋曉卷子

十里空濛雲外水水雲光隱回汀寂無人處小舟行到

來谿館冷秋燕語分明渾異踏青前度至滿坡花氣

將迎剩他幾樹綠無情四更山曙早紅葉點疎星

寒禽枯木卷子

綠初離紅乍失白釀層雲黃澹初升日空裏數聲禽語

切似說宵寒約畧明朝雪凍絲黏冰綫結莫折高枝

恐有東風出轉向竹稍深處歇玲瓏石愛蓬山骨

臨江仙

蘇州

紅鶴谿山烏鵲館金閨從古繁華三分樓閣二分花一

分留隙地隨分種桑麻海物新奇爭入市晨餐都厭

魚蝦等閒吳語六時講笙歌叢作隊脂粉瀉成洼

玉樓春

園空膽小愁無侶錦幕時時風欲舉生憎梁燕不歸來

銜得徑泥何處去三更又是瀟瀟雨刺得燈光青幾

聚小樓西畔宵無人一片落花浮鬼語

點絳脣

八八十一

傳粉攤書硯旁小匣先安鏡梅花同命瘦到年時影

小別生疎問語都愁應更初定爲憐春病偷向床頭省

好事近吳宰用舊韻然天午更思東晉鐵瓶昔無人薦

抱處恍如無奈小語心尤怯夢裏有誰知覺紅上雙雙

頰如三更碧月淡紗惟涼把重衾壓欲訴二年情事和

淚開吟籟無戲圖代吳韻既來無戲圖代吳韻日寶出窗

金縷曲元夕柳子廟道中作

綠鬢還如舊又依然長隄風細碧空雲皺艸艸柴門元

夜到催送斷腸時候幸濁酒數杯還設愁欲成癡眠轉

醒怕相思一夕人天瘦欵枕處淚痕透樓高往日長

更生齋詩餘卷二

九

垂袖摘疎枝殷勤記取柳邊花右分半紅窻堆卷軸多

付個儂消受渾可惜此生難又欲倩雪衣爲懺悔更煩

他百舌聲聲咒春夢破月如晝長安吳興輿地志渠門下

霜天曉角讀天寶遺事

開元政倦無逸圖先換頰到秋來羽扇無多日賢臣窻

戚晚更相煽羯奴先兆亂河北河南皆叛何須責哥

舒翰無奈小語心尤怯

河湟使典宰相居然忝天子更思康晉還應惜無人薦

傳箭出郊甸馬嵬軍又變啟費堂開月偃休專怨長

生殿無奈小語心尤怯

臨江仙八月十一夜雲

綵晚步有感

猶記石橋橋畔路，死生離別匆匆綠波搖。月去如風唾
痕都作血，岸柳不曾紅。留得一行臨別語，幾生重得
相逢。夜臺沒箇寄書鴻。廿年如夢過，來聽渡頭鐘。

減字臨江仙

十二夜步
月葛仙橋

十日秋陰情緒減，乍眼卻喜新晴。紅墻千尺月華生。水
明鐙暗，依約卷簾聲。谿口寂寥尋渡少，酒徒多分飄
零。柳絲笑客眼，猶青好。天涼夜祇剩一人行。

烏夜啼

十三夜

水邊門掩重重，海棠紅不信者。般顏色墮西風，相扶
醉相偎。睡意惺忪正好，一鐙私語伴秋蟲。

中年一種情牽病，懨懨欲借舊家樓。閣訖當年黃庭

卷丹爐，畔學飛仙，留得一絲兒恨未生天。

小沖山

十四夜無月
三更後微雨

一種閒情那得知，乍眠還又起。出門遲，秋鐙替月已多
時。三橋走衣袂，雨絲絲。空外影參差，西風吹不斷。柳
絲兒呢他燕子說相思，還生怕燕子笑人癡。

滿江紅

十五夜
坐雨

百事輸入祇贏得幾番沉醉，又苦是宵燈替月秋霖成。
歲說餅齋拋荒徑，外采菱舟冷青溪。內倚闌干聽雨到
更殘，何曾睡。風轉處，枝背檐漏處，聲聲碎。只無端
兜起舊愁，無柰白玉盤埋雲。慘淡黃金花買秋，憔悴擊
蠻牋，題恨寄花前花垂淚。

人月圓

十六日顧

昨宵細雨沿門糝深巷掩重扉繞砌寒蟲滿廊歸燕秋
思依依 今宵暢好橋邊樓上人月雙輝曉漏將殘夜

烏啼徹直自忘歸

醉太平

十七夜庭桂甚開鄰人復有
貽秋葵野菊者獨飲偶賦

葵芳菊芳蜂忙蝶忙小庭節近重陽是秋花總黃

疎枝貼窻濃陰滿廊人閒月午清涼比天邊更香

金縷曲

送唐大令蒞
固之岷縣任

衣上春雲起記征程錢唐到日好花開矣兄領三州君

作縣穩稱陸家難弟只手版也須隨例昨夢越江東去

好是紅塵不到天光脈官事少看山未 京華往日曾

東生齋詩餘卷二

三

聯騎憶匆匆斜陽古道柳絲同繫

丁未春偕君及孫一
淵如計偕北上

幅東風吹上了兩兩金門高第偏剩得杜陵書記捉鼻

功名知不免笑他時我亦神仙吏輸一著早曾計

買坡塘

送莊舍人植三南歸並寄蔣太守
星仲趙舍人億生莊進士葆琛

又慵騰幾番煙月東風吹過年少寂寥三徑尋遊侶只

有阿蒙還小忘不了是當日曾經擲果蘭陵道一官亦

好看衣桁簪花佩囊橐筆渾稱此風貌 夷門路金尊

昨日頻倒天涯尚未生艸同來恁不同將去撓亂數旬

懷抱歸正巧算剪韭烹葵煮筍都堪飽寄聲短趙更瘦

蔣風流癯莊緼藉相憶令人老

虞美人

二十夜揚孝廉敬之
招集騰光館看桂

艸元亭在雲溪北暇日能邀客寂寥深院倒金尊添得
幾絲疎雨易黃昏廿年前記題詩處花壓闌干住故
人多半起雲霄只我閒居尚赴小山招

南歌子 古州道中

似柳應同韵疑花未解羞慣拋白足上危樓喜折連枝
果葉插人頭一生熟居然異形聲迥不侔怪來行立總
如猴拗得脆蛇寸寸啖同遊 生苗有能啖蛇者

人月圓 黎平試院作

蠻中三月春光好新雨又新晴纔離豚水仍盤獅嶺又
抵黎平 昨宵上巳今辰寒食來日清明釀碧成蒼催
紅做綠有甚心情

浣溪紗

楊太守席上看牡丹作

《更生齋詩餘卷一

三十一

雲作簾衣絮作塵向前還有幾多春艷陽天氣說生辰
圓比十三將望月嬌如二八上髮人畹蘭香味玉精

神

又杏花

一晌花枝欲上樓東風先爲揭簾鉤和煙和露搭床頭
百五時光容易過十三年紀不知愁初陽籬落悄凝

眸

菩薩蠻

洪縣道中贈譚上舍子受

青泉落處紅雲碎馬啼亂踏林聲脆十里繞洪泉愁無
青竹竿 運行雖數里已覺陰聲起知我欲回車來朝

度曲徐

桂殿秋

飯已熟忽呼茶滿盤堆得雨前芽
蕤杯到手復揮去獨
自開簾看杏華

三字令

天上月枕邊來似追陪香一盒貯
玫瑰襯珠蘭和玉蕊
髻旁堆 羅幕外燕疑猜蝶徘徊
鐘已歇漏仍催婢
朦朧窗隙報清蓮開

臘膏潤髮帶數開

鬢邊秋 羅幕外燕疑猜蝶徘徊
鐘已歇漏仍催婢
朦朧窗隙報清蓮開

天上月枕邊來似追陪香一盒貯
玫瑰襯珠蘭和玉蕊
髻旁堆 羅幕外燕疑猜蝶徘徊
鐘已歇漏仍催婢
朦朧窗隙報清蓮開

三字令

自開簾看杏華

飯已熟忽呼茶滿盤堆得雨前芽
蕤杯到手復揮去獨
自開簾看杏華

封環痔

更曲翁

受業 呂種校字
汪瓊

